

摘藻堂四庫全書薈要

經部

欽定四庫全書薈要卷三千二百七十二

經部

爾雅注疏卷四

晉郭璞注

唐陸德明音義

宋邢昺疏

釋宮第五音義

宮世本云禹作宮室呂氏春秋云高元作宮室尚書云王徂桐宮左傳云

號公為王宮於蚌又云作王宮于踐土又云季平子立煬宮詩云作于楚宮又云作于楚室傳曰室猶宮也禮云由命士以上父子皆異宮又云杜氏塋入季武子宮不敢哭此文云宮謂之室室謂之宮郭云皆所以通古今之語明同實而兩名案古者貴賤同稱宮秦漢以來唯王者所居稱宮焉  
**疏**易繫辭云  
上古穴居而野處後世聖人易之以宮室上棟下宇以待風雨蓋取諸大壯此其始也白虎通云黃帝作

宮室世本曰禹作宮室其臺榭樓閣之異門  
牖行步之名皆自於宮故以釋宮總之也

宮謂之室室謂之宮注皆所以通古今之異語明同實

而兩名疏

列二名也郭云皆所以通古今之異語明同實而兩名釋名云宮穹也言屋見於垣上穹

崇然也室實也言人物實滿於其中也是所從言之異耳詩云作于楚宮又曰入此室處是也古者貴賤所居皆得稱宮故禮記曰由命士以上父子皆異宮又喪服傳繼父為其妻前夫之子築宮廟是士庶人皆有宮稱也至秦漢以來乃定為至尊所居之稱

牖戶之間謂之扂注牕東戶西也禮云斧扂者以其所

在處名之其內謂之家注今人稱家義出於此音義

牖

九反屨於宜反郭音依  
又意尾反牕楚江反

**疏**

牕者戶西牕也此牕東戶西  
為牕戶之間其處名屨云其

內者其屨內也自此屨內即謂之家說文云家居也禮  
記云已受命君言不宿於家郭云今人稱家義出於此  
言其稱家之義本出於此也注云禮云斧屨者案覲禮  
云天子設斧屨於戶牕之間左右几鄭注云依如今綈  
素屏風也有繡斧文所以示威也斧謂之黼是也云以  
其所在處名之者言本牕戶之間名屨覲禮天子設屏  
風之狀於牕戶之間因名此屏風為  
屨是以其在屨處即名之曰屨也

**東西牆謂之序注所以序別內外音義**

別彼反

**疏**

此謂室  
前堂上

東廂西廂之牆也所以次序分別內外親疎故謂之序  
也尚書顧命云西序東嚮敷重底席東序西嚮敷重豐  
席及禮經每云東序  
西序者皆謂此也

西南隅謂之奧注室中隱奧之處西北隅謂之屋漏注

詩曰尚不愧於屋漏其義未詳東北隅謂之宦注宦見

禮亦未詳東南隅謂之窻注禮曰埽室聚窻窻亦隱闇

音義

奧本或作隩同於耗反尚書并說文皆云奧室也孔注論語云內也鄭注禮記云主也廣雅云歲也

愧居位反宦音怡李云東北者陽氣始起育養萬物故曰宦宦養也說文訓同與周易頤卦養義同見賢遍反

他皆放此窻烏呼反字林同郭又音杏說文云深貌本或作窻又作窻同埽素老反疏此別室中

名也云奧者孫炎云室中隱奧之處也古者為室戶不當中而近東則西南隅最為深隱故謂之奧而祭祀及

尊者當處焉曲禮云凡為人子者居不主奧是也西北隅名屋漏東北隅名宦東南隅名窻窻亦隱闇之義也

與奧相類故郭云亦也注云詩曰尚不愧于屋漏者大雅抑篇文也鄭箋云尚無肅敬之心不慚愧于屋漏有神見人之為也屋小帳也漏隱也禮祭於奧既畢改設饌於西北隅而扉隱之處此祭之末也孫炎云屋漏者當室之所白日光所漏入郭云其義未詳者孫鄭之說皆無所據故不取也又云宦見禮亦未詳者李巡云東北者陽始起育養萬物故曰宦宦養也說文亦云郭云亦未詳者以頤養之字作頤又室中四隅無取陰陽之義與屋漏同故云亦未詳也云禮記曰埽室聚斂者案既夕記云朔月童子執帚卻之左手奉之從徹者而入比奠舉席埽室聚諸突布席如初卒奠埽者執帚垂末內鬣從執燭者而東是其事也

枅謂之闔注闔門限枅謂之楔注門兩旁木楣謂之梁注門戶上橫梁樞謂之棖注門戶扉樞樞達北方謂之

落時注門持樞者或達北棹以為固也落時謂之扂注

道二名也音義

樛郭于結反顧丈乙反呂伯雍大一反廣雅云砌也閩域洳二音棖直庚反楔

古黠反李謂閩上兩旁木旁步郎反楔忘悲反或作楔亡報反埤蒼云梁也呂伯雍云門樞之橫梁說文云秦名屋櫨聯也齊謂之櫨楚謂之栒樞冒朱反櫨烏回反郭又吾回反呂沈一罪反達火末反棹於靳反字林云桼也廣雅云棟也下同扂本或作扂同音戶疏此別門戶上音侯廣雅云兩砌也本或作扂同音戶疏下及兩傍之木名也桼者孫炎云門限也經傳諸注皆以閩為門限謂門下橫木為內外之限也俗謂之地桼一名閩曲禮云不履閩是也棖者門兩傍長木一名楔李巡曰棖謂柎上兩傍木禮記玉藻云君入門上介拂棖鄭箋云棖門楔柎即梁也呂伯雍云門樞之橫梁也郭云門戶上橫梁鄉射記云堂則物當楔是也樞者門扉開闔之所

由也一名櫪易曰樞機之發是也其持樞之木或達北  
櫪以為牢固者名落時櫪即棟也落時又名危是持樞  
一木有此  
二名也

垝謂之玷注在堂隅玷端也牆謂之墉注書曰既勤垣  
墉鏝謂之朽注泥鏝樅謂之椳注斫木櫪也地謂之黝

注黑飾地也牆謂之堊注白飾牆也音義

垝居毀反本  
又作度同玷

丁念反說文云屏牆端丁果反本或作端墉音容或作  
墉同垣音袁鏝本或作椳又作墁同亡旦武安二反說  
文云鐵朽也朽音烏又音胡李云泥鏝一名朽塗工之  
作具說文云所以塗也秦謂之朽關東謂之椳樅本或  
作砧同張林反椳音虔本亦作虔詩云方斲是虔斲音  
灼櫪音質黝於糾反郭殃柳反飾音式堊於故反又於



各疏

此別宮室垣墉及修飾之名也。玷者堂角也。一名反坫。牆者室之防也。一名墉。李巡曰：謂垣牆也。郊特

牲曰：君南嚮於北，墉下注云：社內北牆是也。亦為城。王

制注云：小城曰附庸。大雅皇矣云：以伐崇墉。義得兩通

也。鏐者泥鏐也。一名朽塗工之作具也。論語曰：糞土之

牆不可朽是也。椳者斫木所用以藉者之木名也。一名

椳。孫炎云：斲木質也。詩商頌云：方斲是虔。又名櫨。榘梁

傳曰：裘纒櫨以為臬是也。以黑飾地謂之黝，以白飾牆

謂之堊。周禮守桃職云：其桃則守桃黝堊之是也。一玷

名見於經傳者有三。案禮記明堂位云：反玷出尊崇玷

亢圭及論語邦君為兩君之好有反玷。此二者在兩楹

之間，以土為之。非此經所謂也。案既夕記云：設櫨於東

堂下，南順齊于玷。士冠禮云：爵弁皮弁緇布冠各一匱

執以待于西。玷南則此經所謂也。鄭注云：玷在堂角。然

則堂之東南角為東玷，西南角為西玷。故郭云：在堂隅

玷，端也。端則端也。言玷是堂角端也。注既勤垣墉，此周

書梓材篇文也案彼云若作室家既勤垣墉惟其塗墍茨孔傳云如人為室家已勤立垣墉惟其當塗墍茨蓋之此喻教化也

櫨謂之杙注槩也在牆者謂之樨注禮記曰不敢縣於夫之樨窳在地者謂之梟注即門槩也大者謂之拱長

者謂之閣注別杙所在長短之名音義

櫨音特又之力反杙羊式羊特

二反下句雞棲於弋音同槩其厥反後注同樨許韋反縣音玄窳羊支反字林云竿也本或作橈音同字林云榻前机也梟魚列反拱九  
勇反郭又音印閣音各  
疏此別杙所在長短之名也杙即槩也一名櫨置杙在

牆者名樨在地及門中者名梟玉藻云公事自闌西私事自闌東是也大者名拱長者名閣也注禮記曰不敢

縣於夫之樨椀此內則文也  
鄭注云竿謂之椀樨杙也

閣謂之臺注積土四方有木者謂之榭注臺上起土音

義

閣音都徐特  
遮反榭音謝

疏

別臺榭之制也積土四方而高者名  
臺即下云四方而高者也一名閣李

巡云積土為之所以觀望詩云出其閣閣彼以閣為城  
臺於此臺上有木起屋者名榭月令仲夏云可以處臺  
榭謂此也

雞棲於弋為櫟鑿垣而棲為埒注今寒鄉穿牆棲雞皆

見詩音義

棲音西下同又作栖櫟巨列反字林  
云弋也鑿在各反埒音時穿音川

疏

李巡  
曰別

雞所棲之名也弋櫟也鑿牆為雞作棲曰埒郭云今寒  
鄉穿牆棲雞者謂苦寒之鄉也避寒故穿牆以棲雞云

皆見詩者案王風君子于役云  
雞棲于埭又曰雞棲于桀是也

植謂之傳傳謂之突注戶持鎖植也見埤蒼音義

植音  
殖傳

音椽下同突本又作揆徒忽反

疏

植謂戶之維持鐫者  
也植木為之因名又

名傳又名突  
也文見埤蒼

宋廂謂之梁注屋大梁也其上楹謂之棧注侏儒柱也

開謂之檣注柱上構也亦名枅又曰桤桤謂之桀注即

櫨也棟謂之桴注屋檼桼謂之椳注屋椽桼直而遂謂

之閱注謂五架屋際椽正相當直不受檐謂之交注謂

五架屋際椽不直上檐交於檼上檐謂之摘注屋栁音

**義**

系音亡廂力又反檼之劣反侏音朱儒日朱反開皮彦反本亦作弁同檼音疾檼皮麥反字林云檼也又

平各反枿音雞字林音肩云柱上方木也栿達合反栳音而案作截反又音節本或作栿同字林云栿檼也舊本及論語禮記皆作節檼力奴反即栿也字林云柱上附也棟多洞反桴郭音浮又音孚字林云極也棟也檼於靳反桷音角椽疎追反說文云秦名屋椽也周謂之椽齊魯謂之桷字林云周人名椽曰椽齊魯名椽曰桷椽直專反開音悅檼餘占反下同槁丁狄反字從木旁作商郭又也赤反字合手旁作適栁音呂

**疏**

此別

梁柱棟椽之名也梁即屋大梁也一名系廡檼柱也其梁上短柱名稅禮器云藻稅者謂畫梁上柱為藻文也一名侏儒柱以其短小故也開者柱上木名也又謂之榱又名櫓亦名枿柱上方木是也又曰栿是一物五名

也栢一名槩即櫨也皆謂斗拱也禮器云管仲山節者謂刻柱頭為斗拱形如山也棟屋櫨也一名桴今屋脊也易曰棟隆吉是也桷屋椽也一名椽栳沈云齊魯名桷周人名椽易曰鴻漸于木或得其桷左傳子產曰棟折椽崩僑將壓焉是也屋椽長直而遂達五架屋際者名閼郭云謂五架屋際椽正相當若其椽直不上於檐者名交言相交於櫨上也郭云謂五架屋際椽不直上檐交於櫨上屋椽一名桷一名屋栳又名宇皆屋之四垂也故士喪禮曰為銘置于宇西階上鄭注云宇栳是也

容謂之防注形如今牀頭小曲屏風唱射者所以自防

隱見周禮音義

牀助良反  
屏步形反

疏

容者射禮唱獲者蔽身之物也一名防言所以容身

防矢也一名之鄉射禮云之三侯道居侯黨之一西五步鄭注云容謂之之所以為獲者御矢也謂之之者言

矢至此力乏也郭云形如今牀頭小曲屏風唱射者所以自防隱見周禮者案夏官射人職云以射法治射儀王以六耦射三侯三獲三容鄭司農云容者乏也待獲者所蔽者是也

連謂之移注堂樓閣邊小屋今呼之移厨連觀也音義

移文知反厨本或作躡文誅反

疏移樓閣邊相連小屋名也郭云堂樓閣邊小屋今呼之移厨連觀也

屋上薄謂之筵注屋竿音義

筵音曜又羊昭反筵阻格反本或作竿

疏

屋上

薄一名筵今謂之屋竿也

兩階間謂之鄉注人君南鄉當階間中庭之左右謂之位注羣臣之側位也門屏之間謂之宁注人君視朝所

宇立處屏謂之樹注小牆當門中音義

鄉本又作彛許亮反注同屏卑

井反朝直遙

疏

此別君臣之位處也人君南面嚮明而

反宇音佇

治其位在兩階間因名云也云中庭之

左右謂之位者左右猶東西也位羣臣之列位也案明

堂位云三公中階之前北面東上諸侯之位阼階之東

西面北上諸伯之國西階之西東面北上諸子之國門

東北面東上諸男之國門西北面東上是也云門屏之

間謂之宇者謂路門之外屏樹之內人君視朝宇立之

處因名為宇李巡云正門內兩塾間曰宇曲禮曰天子

當宇而立諸公東面諸侯西面而朝是也云屏謂之樹

者屏蔽也樹立也立牆當門以自蔽也李巡曰垣當門

自蔽名曰樹郭云小牆當門中禮緯云天子外屏諸侯

內屏郊特性云旅樹鄭注云旅道也屏謂之樹樹所以

蔽行道以此推之則諸侯內屏在路門之

內天子外屏在路門之外而近應門者矣



閤謂之門注詩曰祀祭於祊正門謂之應門注朝門觀  
謂之闕注宮門雙闕宮中之門謂之闈注謂相通小門  
也其小者謂之閨小閨謂之閤注大小異名衙門謂之

閤注左傳曰盟諸僖閤閤衙頭門門側之堂謂之塾注  
夾門堂也櫺謂之闌注門閭闔謂之扉注公羊傳曰齒  
著于門闔所以止扉謂之閤注門辟旁長櫺也左傳曰

高其閤閤長杙即門櫺也音義

閤補耕反說文作橐  
云或作祊門內祭先

祖所彷徨也祊音同閤觀古玩反闌音韋劉昌宗儀禮  
音揮衙戶絳反廣雅云道也聲類猶以為巷字閤獲耕

反左傳云高其閉閤僖許其反塾音孰劉儀禮又音育  
夾古合反概其月反闌魚列反閫說文作梱同苦本反  
鄭注禮記云閫門限也閫胡獵反扉音非著直畧反閫  
音宏本亦作閫音各郭注本無此字辟匹亦反閉戶旦  
反說文云閫也汝疏此別門闕之異名也李巡曰閫廟  
南平輿里門曰閉門也其路門之外受朝正門一名  
應門應門之外門曰雉門雉門之旁名觀又名闕宮中  
相通小門名闔闔之小者名閨閨之小者名閫衙頭之  
門名閫門側之堂夾門東西者名塾門中之概名闔一  
名閫閫門扇也一名扉於門辟旁樹長概所以止扉者  
名閫注祝祭於祊小雅楚茨篇文也案祊本廟門之名  
設祭於廟門因名其祭亦名祊凡祊有二種一是正祭  
之時既設於廟又求神於廟門之內郊特牲云索祭祝  
於祊及詩云祝祭於祊注云祊平生門內之旁待賓客  
之處與祭同日也是明日繹祭之時設饌於廟門外  
西室亦謂之祊即郊特牲注云祊之禮宜於廟門外之

欽定四庫全書

卷四

西室及禮器云為枋乎外是也然則廟門內外皆有枋稱朝門案詩大雅云廼立臯門臯門有伋廼立應門應門將將鄭箋云諸侯之宮外門曰臯門朝門曰應門內有路門天子之宮加以庫雉案鄭玄注周禮秋官朝士職王五門臯庫雉應路也又曰天子諸侯皆有三朝外朝一內朝二其天子外朝一者在臯門之內庫門之外大詢衆庶之朝也朝士掌之內朝二者正朝在路門外司士掌之燕朝在路門內太僕掌之諸侯之外朝一者在臯門內應門外內朝二者亦在路寢門之外內以正朝在應門內故謂應門為朝門也云宮門雙闕者周禮大宰正月之吉縣治象之法于象魏使萬民觀治象鄭衆云象魏闕也劉熙釋名云闕在門兩旁中央闕然為道也白虎通云闕是闕疑義又相蕪然則其上縣治象其狀巍巍然高大謂之象魏使人觀之謂之觀也是觀與象魏闕一物而三名也以門之兩旁相對為雙故名雙闕盟諸僖閔襄十一年傳文也案彼云季武子將作

三軍叔孫穆子曰然則盟諸乃盟諸僖閔杜注云僖宮之門是也云公羊傳曰齒著于門闔莊十二年傳文也案彼云宋萬搏閔公絕其脰仇牧聞君弑趨而至遇之于門手劒而叱之萬臂撥仇牧碎其首齒著于門闔何休云闔扇也是也云左傳曰高其閉閔襄三十一年傳云子產相鄭伯以如晉晉侯以我喪故未之見也子產使盡壞其館之垣而納車馬焉士文伯讓之曰敝邑以政刑之不修寇盜充斥無若諸侯之屬辱在寡君者何是以令吏人完客所館高其閉閔是也案說文云閉門也汝南平輿里門曰閉閉既為門故郭氏以閔為長杙即門樞也杜注云閔門也非郭義也

瓠謂之甕注甕甕也今江東呼瓠甕音義

瓠力丁反詩傳作令

音陵甕丁歷反詩傳作適音同甕蒲覓反甕力竹反甕章公反字林作塿同

疏

瓠甕一名甕郭云甕甕也

今江東呼甌甌詩陳  
風云中唐有甌是也

宮中街謂之壺注巷閣間道廟中路謂之唐注詩曰中  
唐有甌堂途謂之陳注堂下至門徑也路旅途也注途  
即道也路場猷行道也注博說道之異名一達謂之道  
路注長道二達謂之岐旁注岐道旁出也三達謂之劇  
旁注今南陽冠軍樂鄉數道交錯俗呼之五劇鄉四達  
謂之衢注交道四出五達謂之康注史記所謂康莊之  
衢六達謂之莊注左傳曰得慶氏之木百車於莊七達

謂之劇驂注三道交復有一岐出者今北海劇縣有此

道八達謂之崇期注四道交出九達謂之達注四海交

出復有旁通音義

壺苦本反郭呂並立屯反或作韋徑古定反旅音呂場直良反字從易易

音陽岐郭如字樊

本作技音支劇巨戟反冠古亂反樂

音岳又音各數色主

反康苦郎反莊側良反車昌蛇反

驂七南反有扶又反

下同達求追疏此別街道之異名

反本或作尪字林云

隱也與達同也宮中街閭間道

名壺孫炎曰巷舍間道也王肅曰今後宮稱永巷是宮

內道名也廟中之路名唐堂下至門徑名陳路旅皆途

別名也途即道也路場獸行四者復是道之異名也

一達長道謂之道路岐分二達者謂之岐旁言岐道旁

出也岐分三達者謂之劇旁孫炎云旁出岐多故曰劇

交道四達謂之衢交道四出復有一旁達謂之康孫炎

云康樂也交會樂道也交道六出謂之莊孫炎云莊盛也道煩盛三道交出復有岐出者謂之劇驂四道交出謂之崇期四道交復有一岐出者謂之達注中唐有甓詩陳風防有鵲巢篇文也云史記所謂康莊之衢案史記列傳云騶奭者齊諸騶子亦頗采騶衍之術以紀文於是齊王嘉之自如淳于髡以下皆命曰列大夫為開第康莊之衢是也云左傳曰得慶氏之木百車於莊案襄二十八年齊慶封謀殺子雅子尾陳文子謂桓子曰禍將作矣吾其何得對曰得慶氏之木百車於莊杜注云慶封時有此木積於六軌之道是也云四道交出復有旁通者詩周南云施于中達毛傳云達九達之道是也案左傳隱十一年云及大達桓十四年焚渠門入及大達莊二十八年衆車入自純門及達市宣十二年入自皇門至于達路杜預皆以為道並九軌案周禮經涂九軌不名曰達杜意蓋以鄭之城內不應有九出之道故以為並九軌於此則不合也

室中謂之時堂上謂之行堂下謂之步門外謂之趨中

逵謂之走大路謂之奔注此皆人行步趨走之處因以

名云音義

趨七朱反走徂口反

疏

此皆人行步趨走之處因以名云堂中名時時然後動堂上曰

行謂平行也堂下曰步白虎通云人踐三尺法天地人再舉足曰步備陰陽也門外曰趨鄭玄行而張拱曰趨中庭曰走走疾趨也大路曰奔奔犬走也書曰駿奔走案此經所釋謂祭祀之禮知者以召誥云王朝步自周則至于豐注云告文王廟告文王則告武王可知出廟入廟不以遠為文是也若迎賓則樂師云行以肆夏趨以采齊行謂大寢之庭至路門趨謂路門至應門

隄謂之梁注即橋也或曰石絕水者為梁見詩傳石杠



謂之倚注聚石水中以為步渡約也孟子曰歲十一月

徒杠成或曰今之石橋音義

隄都奚徒難二反橋音喬杠音江倚郭居義反顧丘

奇反說文云舉脚有度也廣雅云步橋也案今江東呼約音約

倚與郭同約音斫廣雅云步橋也案今江東呼約音約

沈徒疏此別橋約之名也隄一名梁郭氏兩解一云即

的反疏橋也以木為之一云以石絕水石杠一名倚郭

氏亦兩解一云聚石水中以為步渡約也廣雅云倚步

橋也一云或曰今之石橋石絕水者為梁案衛風云有

狐綏綏在彼淇梁傳云石絕水曰梁是也注孟子曰歲

十一月徒杠成案孟子云子產聽鄭國之政以其乘輿

濟人於漆洧孟子曰惠而不知為政歲十一月徒杠成

十二月輿梁成民未病涉也趙岐注云以為子產有惠

民之心不知為政當以時修橋梁民何由病

苦涉水乎是也引之以證石杠為步橋也

室有東西廂曰廟注夾室前堂無東西廂有室曰寢注  
但有大寢無室曰榭注榭即今堂堦四方而高曰臺陝  
而修曲曰樓注修長也音義

廂音相寢七甚反堦音皇陝戶夾反說文云隘也從

𠂔夾聲俗作狹或作狎字下甲反今人以陝弘疏此明

農縣字書陝之字音失冉反狹代陝行之久矣

寢廟

樓臺之制也凡太室有東西廂夾室及前堂有序牆者

曰廟但有太室者曰寢月令仲春云寢廟畢備鄭注云

前曰廟後曰寢以廟是按神之處其處尊故在前寢衣

冠所藏之處對廟為卑故在後無室者名榭春秋宣十

年夏成周宣榭火杜預云宣榭講武室引此文無室曰

榭謂屋歇前然則榭有二義一者臺上構木曰榭上云

有木曰榭及月令云可以處臺榭是也一屋歇前無屋

者名榭其制如今廳事也春秋云成周宣榭公羊以為

宣宮之榭及鄉射禮云榭則鈞楹內是也郭云榭即今堂堦者堂堦即今殿也殿亦無室故云即今堂堦四方而高者名臺即上閣也修長也凡臺上有屋狹長而屈曲者曰樓

# 釋器第六音義

器祛記反說文云器皿也飲食之器從犬從品聲也品莊立反衆口也

## 疏

案說文云器皿也從犬從品聲也品莊立反衆口也以此篇釋諸器之名故曰釋器

## 木豆謂之豆注豆禮器也音義

豆如字本又作桓

## 疏

案周禮旗人為豆實

三而成穀崇尺鄭注云崇高也豆實四升又祭統云夫人薦豆執校執醴授之執鐙鄭注云校豆中央直者也鐙豆下附也又禮圖云口圓徑尺黑漆飾朱中大夫以上畫以雲氣諸侯以象天子以玉皆謂飾其豆口也然則豆者以木為之高一尺口足徑一尺其足名鐙中央直豎者名校校徑二寸總而言之名豆其實四升用薦菹醢周禮醢人掌四豆之實朝事之豆其實韭菹醢醢之類是也其飾則三代不同明堂位曰夏后氏以楬豆殷玉豆周獻豆注云楬無異物之飾也獻疏刻之是也以供祭祀燕饗故云禮器也

竹豆謂之籩注籩亦禮器音義

籩音邊

疏

案鄭注籩人及士虞禮云籩以

竹為之口有籐緣形制如豆亦受四升盛棗栗桃梅菱芡脯脩臠鮑楔餌之屬是也亦祭祀饗燕所用故云亦

禮器

瓦豆謂之登注即膏登也音義

瓦五寡反登本作鐙膏音高

疏

對文則木

曰豆瓦曰登散則皆名豆故云瓦豆謂之登冬官旗人掌為瓦器而云豆中縣鄭云縣繩正豆之柄是瓦亦名豆也詩大雅生民云于豆于登毛傳云豆薦菹醢登大羹也公食大夫禮云大羹湑不和實於登湑者肉汁大古之羹也不調以鹽菜以其質故以瓦器盛之郭云即膏登也

盎謂之缶注盎也音義

盎烏浪反缶方九反

疏

孫炎云缶瓦器郭云盎也詩陳風云

坎其擊缶則缶是樂器易離卦九三不鼓缶而歌則大  
嗟之嗟注云艮爻也位近丑丑上值弁星似缶詩云坎  
其擊缶則樂器亦有缶又史記簡相如使秦王擊缶是  
樂器為缶也案坎卦六四樽酒簋贰用缶注云爻辰在  
丑丑上值斗可以斟之象斗上有建星建星之形似簋  
貳副也建星上有弁星弁星之形又如缶天子大臣以  
王命出會諸侯主國尊於簋副設元酒以缶則缶又是  
酒器也比卦初六爻有孚盈缶注云爻辰在未上值東  
井井之水人所汲用缶汲器襄九年宋災左傳曰具  
綆缶備水器則缶是汲水之器也然則缶是瓦器可以  
節樂如今擊甌又可以盛  
水盛酒即今之瓦盆也

甌甌謂之甌注甌甌小甌長沙謂之甌音義

甌鳥侯反  
甌步口步

侯二反甌弋之反甌路口反方  
言云瑩也甌乙耕反字亦作瑩  
疏甌一名甌甌一名甌  
郭云甌甌小甌長沙

謂之甌方言云甌也靈桂之郊謂之甌其小者謂之甌  
周魏之間謂之甌秦之舊都謂之甌淮汝之間謂之甌  
江湖之間謂之甌自關而西晉之舊都河汾之間其大  
者謂之甌其中者謂之甌甌自關而東趙魏之郊謂之  
甌或謂之甌東齊海岱之間謂之甌甌其通語也瑩陳  
魏宋楚之間曰甌或曰甌燕之東北朝鮮洺水之間謂  
之甌齊之東北海岱之間謂之甌周洛韓鄭之間謂之  
甌或謂之瑩瑩謂之甌瑩謂之甌瑩謂之甌瑩其小者  
謂之甌瑩甌謂之甌自關而西謂之甌或謂之甌其小  
者謂之升甌甌陳魏宋楚之間謂之甌自關而西謂之  
甌其大者謂之甌是其方俗之異名也甌音岡甌都感  
反甌音武盍音由甌音鄭甌昨江反甌度睡切甌音部  
甌落口切甌牛志切甌音史甌音殊甌音暢亦  
音暢甌音梧甌音輦甌音偶甌音邊題杜啟反

康瓠謂之甌注瓠壺也賈誼曰寶康瓠是也音義

康孫  
郭如

字書埤蒼作甌音同李本作光字林作甌  
甌口光反甌音護甌卽例反壺音胡  
文云破罌也方言云甌謂之盞皆非郭義也注云賈誼  
曰者案漢書云賈誼洛陽人也年十八以誦詩屬文漢  
文帝召為博士為絳灌之屬害之天子疎誼為長沙王  
傳以謫去意不自得及渡湘水為賦以吊屈原其詞曰  
幹棄周鼎寶  
康瓠是也

# 斲斲謂之定注鋤屬音義

斲郭巨俱反謝古侯鳩于二  
反本或作拘非斲本或作櫟

同丁錄反說文云齊謂之茲箕一曰斤柄自曲李云斲  
斲鋤也定多倭反或作鋤郭云鋤屬李云鋤別名鋤士  
魚反屬  
疏斲斲一名定郭云鋤屬李巡曰鋤別名也廣  
音蜀雅云定謂之轉世本云垂作轉呂氏春秋云

耨柄尺此其度也其耨六寸所以間稼也高誘注云耨  
芸苗也六寸所以入苗間詩頌臣工云痔乃錢鏹毛傳



云鑄耨也鑄耨及定當是一器但先儒或即云鋤屬古器變易未能識之

所謂之鍤注鑿也音義

斫音灼鍤字又作耨直畧反字林竹畧反郭云鑿也鑿九縛反

字林云大鋤也疏斫一名鍤郭云鑿也說文云鑿大鋤也

廁謂之𪔐注皆古鍤插字音義

廁郭云古鍤字七遙反𪔐郭云古鍤字楚洽反

疏

郭云皆古鍤插字方言云燕之東北朝鮮洌水之間謂之廁宋魏之間謂之鍤或謂之鍤音韋江淮南楚

之間謂之重趙魏之間謂之

衆是皆謂今鍤也鍤音秋

綾畧謂之九戩九戩魚罔也注今之百囊畧是亦謂之

畧今江東謂之綾嫠婦之苟謂之畧注毛詩傳曰畧曲

梁也謂以薄為魚筥巢謂之汕注今之撩罟簞謂之罩

注捕魚籠也慘謂之湊注今之作慘者聚積柴木於水

中魚得寒入其裏歲隱因以薄圍捕取之鳥罟謂之羅

注謂羅絡之兔罟謂之罝注罝猶遮也見詩麋罟謂之

罟注罟其頭也彘罟謂之羆注羆幕也魚罟謂之眾注

最大罟也今江東云縻謂之罟罟罟也罟謂之罟罟覆

車也注今之翻車也有兩轆中施罟以捕鳥展轉相解

廣異語音義

縻子弄子公二反縻羆也罟音古罟音域  
囊乃當反羆力回反縻字亦作羆力其反

杜注左傳云寡婦為嫠音狗留力九反字書作𡇗薄  
步各反𡇗側交反汕所諫反撩郭力充反取也又力弔  
反沈力到反𡇗郭七角反又担廓二音罩陟孝陟角二  
反字林云竹卓反字又作𡇗捕音步𡇗沈桑感反謝胥  
寢反郭霜甚疏𡇗二反爾雅舊文并詩傳並作米旁小  
爾雅作木旁其文云魚之所息謂之𡇗𡇗也積柴水  
中而魚舍焉郭因改米從木字林作𡇗山沁反其義同  
𡇗郭岑潛二音詩作潛字小爾雅作𡇗字亦音潛又時  
占反猶取積柴之義絡音洛免又作𡇗同土故反置子  
邪反說文子余反遮之蛇反𡇗亡悲反𡇗本或作茅同  
亡已反又音蒙冒莫報反𡇗直例反𡇗力端反又莫潘  
反本或作𡇗亡巾反字林云𡇗釣也幕音莫𡇗工胡反  
𡇗郭卑覓反孫芳麥反或彼麥反𡇗昌凶反字林上凶  
反𡇗謝丁劣反郭姜悅反或九劣反𡇗浮孚二音覆音  
副又孚福反車尺蛇反翻孚袁反胃古疏此別羅網之  
𡇗反又古犬反廣雅云𡇗也解古買反𡇗異名也𡇗

也綬罟一名九罟即魚罔也。縵婦之筍取魚器也。一名留罟。一名汕。罟捕魚籠。一名筐。積柴水中取魚。名縵。又名淦。鳥罔名羅。兔罔名置。麋罔名罟。罟冒也。言冒覆其頭也。鼠猪也。其罔名羅。羅幕也。言幕絡其身也。魚之大罔名罟。翻車小罔捕鳥者名縵也。罟也。罟也。罟也。皆謂覆車也。云今之百囊罟是亦謂之罟。今江東呼為綬者以時驗而言也。孫炎云九罟謂魚之所入有九囊也。詩幽風云九罟之魚鱗魴是也。注云毛詩傳曰留曲梁也。者小雅云魚麗于留。傳曰留曲梁也是矣。云謂以薄為魚筍者。孫炎云留曲梁其功易故謂之寡婦之筍。然則曲薄也。縵寡也以簿為魚筍其功易號之寡婦之筍耳。非寡婦所作也。云今之縵罟者李巡云汕以簿汕魚也。案詩小雅云南有嘉魚。然汕傳云櫟也。箋云櫟今之縵罟也。皆以今晚古云捕魚籠也。者李巡云筐編細竹以為罩捕魚也。孫炎云今楚筐也。然則罩以竹為之無竹則以荆故謂之楚筐。皆謂捕魚是也。詩小雅云南

有嘉魚然然罩罩是也云今之作梲者李巡曰今以木投水中養魚曰洿孫炎曰積柴養魚曰梲郭云今之作梲者聚積柴於水中魚得寒入其裏歲隱因以薄園捕取之小爾雅曰魚之所息謂之潛潛梲也積柴水中魚舍也詩周頌云潛有多魚是也梲霖潛洿古今字云謂羅絡之者李巡云鳥飛張網以羅之然則張網以羅絡飛鳥詩王風云雉離于羅是也云置猶遮也見詩周南云肅肅兔置是也李巡云兔自作徑路張置捕之也然則張網遮兔因名曰置置最大罟也今江東云者李巡曰魚罟捕魚具也然則捕魚之具最大者名罟詩衛風云施罟濊濊是也云今之翻車者孫炎曰覆車網可以掩兔者也一物五名方言異也郭云今之翻車也有兩轅中施罟以捕鳥展轉相解廣異語廣雅云罟罟也案詩王風云雉離于罟又曰雉離于罟然則捕鳥之具也孫氏云掩兔非也

約謂之救注救絲以為約或曰亦胃名音義

約謝其俱反孫九遇

反施苦疏郭氏兩解一云救絲以為約約屢頭飾也士

侯反冠禮曰玄端黑履青約鄭注云約之言拘也

以為行戒狀如刀衣鼻在屢頭是也或曰約屢屬小爾雅曰烏而今約也一云亦胃名者言此經約亦胃署之

別名也義疑故兩存焉

律謂之分注律管可以分氣音義

分音疏

律一名分鄭注月令云律

侯氣之管也以銅為之律歷志云黃帝使伶倫氏自大

夏之西嶠崙之陰取竹之解谷斷兩節間而吹之以為

黃鍾之宮制十二筩以聽鳳凰之鳴其雄鳴則為六律

雌鳴則為六呂陽管為律律法也言陽氣與陰氣為法

鄭云律述也述氣之管陰管為呂律歷志云呂助也言

助陽宣氣又云呂拒也言與陽相承更迭而至又陰律

稱同言與陽同也總而言之陰陽皆稱律故月令十二月皆云律中是也以其分候十二月氣故又名分郭云律管可以分氣是也

大版謂之業注築牆版也繩之謂之縮之注縮者約束

之詩曰縮版以載音義

版布縮反繩音垂縮所六反

疏

此解詩云縮版以載也大

版名業以繩束版謂之縮注築牆版也孫炎曰業所以飾栒刻板捷業如鋸齒也毛詩傳云業大版也所以飾栒為縣也捷業如鋸齒或曰畫之然則業乃是樂縣之飾郭必以為築牆版者以此文與縮之相連詩云縮版以載作者以類相從縮既築牆所用之繩則業是築牆之版明矣散而言之則業亦樂縣之飾故詩大雅云虞業維機周頌云設業設虞而毛鄭皆以為大版所以飾栒為縣也云縮者孫炎云繩束築版謂之縮然則縮者

束物之名用縮束版故謂之縮復言縮之明用繩束之也故云縮者約束之注詩曰縮版以載者大雅縣篇文也

彝音卣音器也注皆盛酒尊彝其總名小彝謂之坎注音彝

形似壺大者受一斛音義

卣由酉二音下同彝音雷盛音成尊本又作樽酒器也又

作樽同案曹獻文字指歸檢字無此從缶從木者說文云字從卣寸酒官法度也今之尊卑從此得名故尊亦為君父之稱總尊董反疏別酒尊大小之異名也彝其坎口感反斛呼卜反總名彝者法也與諸尊為法

司尊彝云雞彝鳥彝斚彝黃彝虎彝蜼彝是也卣者下云卣中尊也孫炎云尊彝為上彝為下卣居中卣云不大不小者是在彝彝之間即周禮犧象壺著大山等六尊是也彝者尊之大者也即周禮司尊彝云皆有彝諸



臣之所酢是也案禮圖云六彝為上受三斗六尊為中受五斗六疊為下受一斗故異義疊制韓詩說金疊大夫器也天子以玉諸侯大夫皆以金士以梓毛詩說金疊酒器也諸臣之所酢人君以黃金飾尊大一碩金飾龜目蓋刻為雲雷之象謹案韓詩說天子以玉經無明文謂之疊者取象雲雷博施如人君下及諸臣又司尊彝云皆有疊諸臣之所酢注云疊亦刻而畫之為山雲之形言刻畫則用木矣故禮圖依制度云刻木為之韓說言士以梓士無飾言其木體則以上同用梓而加飾耳毛說言大一碩禮圖亦云大一斛則大小之制尊卑同也雖尊卑飾異皆得畫雲雷之形以其云疊取於雲雷故也是彝曰疊三者皆為盛酒器也其疊之小者別

名  
坎

衣梳謂之祝注衣褱也齊人謂之絜或曰袿衣之飾黼

領謂之褱注繡刺黼文以褱領緣謂之純注衣緣飾也  
袂謂之袂注衣開孔也衣背謂之襟注交領袂謂之裾  
注衣後裾也衿謂之衿注衣小帶佩衿謂之褱注佩玉  
之帶上屬執衿謂之袪注持衣上衿扱衿謂之襍注扱  
衣上衿於帶衣蔽前謂之裾注今蔽膝也婦人之褱謂  
之綳綳綳也注即今之香纓也褱邪交落帶繫於體因  
名為褱綳繫也裳削幅謂之縠注削殺其幅深衣之裳

音義

褱力求反本又作流視五兮反又五啟反又五結  
反俱謂褱也綳又作樓洛侯反攣力專反衿音圭

重繒為飾飾音式黼音甫褙音博又方沃反刺七亦反  
褙音偃又作偃衣領也緣悅絹反注同純之閏反又章  
允反袂胡決反一音術縈胡局反又於營反背才細反  
又子移反褙居怯反裾郭居渠二音衿又音紵郭同今  
鉗二音顧渠鳩渠金二反裾郭辭見反繇音荐謝徂閏  
反褙子春反埤蒼云佩紵也屬音燭後注同上持掌反  
執至入反衽而甚反杜預云裳際結音結郭居黠反扱  
楚洽反顧胡結反廣雅云懷也蔽必袂反裾方言作裯  
郭同昌占反膝音悉褙又作蔽同暉韋二音縞本或作  
褙同力知反縷汝誰反邪字亦作褙似嗟反削息畧反  
幅甫服反縷音卜殺疏此別衣服之異名也云衣者目  
所例反又色戒反之也疏一名視刺繡黼文於衣  
領名褙衣之緣飾名純禮記深衣云衣純以縷衣純以  
青之類是也袂衣開孔也名縈說文云鬼衣也衣背名  
褙謂交領也方言云衿謂之交是也褙一名裾即衣後  
裾也衿衣小帶也一名褙士昏禮曰施衿結帨是也佩

下之帶名襍衽裳際也手執持其衽名袷扱衽於帶名  
頤詩周南云薄言袷之薄言頤之是也衣之蔽前者名  
裾婦人之香纓名袷又謂之綺綺綾也綾猶繫也取繫  
屬之義衣下曰裳削殺也裳削殺其幅者名緹謂深衣  
之裳也云衣縷者此郭氏兩解一云衣縷也本或作縷  
音婁方言云縷謂之衽又謂之袷彼注云即衣衿也云  
齊人謂之攀者以目驗而言也一云或曰袷衣之飾者  
釋名曰婦人上服曰袷廣雅云袷長襦也言飾者蓋以  
繒為緣飾耳注繒刺黼文以袷領者詩唐風云素衣朱  
襖毛傳云襖領也諸侯繒黼丹朱中衣毛言繒黼者謂  
於繒之上繒刺以為黼非訓繒為黼郭氏取毛為說也  
注今蔽膝者方言云蔽膝江淮南楚之間謂之袷或謂  
之袷魏宋南楚之間謂之大巾自關東西謂之蔽膝齊  
魯之郊謂之裋襦又名鞞禮記玉藻云鞞君朱大夫素  
士爵韋國殺直天子直公侯前後方大夫前方後挫角  
士前後正鞞下廣二尺上廣一尺長三尺其頸五寸肩

草帶博二寸是也孫炎云禕帨巾也郭云即今之香纓也禕邪交落帶繫於體因名為禕綏繫也此女子既嫁之所著示繫屬於人義見禮記曲禮云女子許嫁纓及內則云衿纓是也詩云親結其綯謂母送女重結其所繫著以申戒之孫炎以禕為帨巾失之也云削殺其幅深衣之裳案深衣目錄云稱深衣者以餘服則上衣下裳不相連此深衣衣裳相連被體深邃故謂之深衣裳深衣篇云制有十二幅以應十有二月鄭注云裳六幅幅分之以為上下之殺故云削殺其幅深衣之裳也其深衣制度禮記具焉

輿草前謂之輶注以韋鞞車軾後謂之第注以韋鞞後戶竹前謂之禦注以簞衣軾後謂之蔽注以簞衣後戶環謂之捐注著車衆環鑣謂之鑣注馬勒旁鐵載轡謂

之轆注車輓上環轡所貫也轡首謂之草注轡輓勒見

詩音義

輿音余草姑麥反輓胡根反輓音霸字林云轡草也本或作輓亡安反次句同車音居輓音式

第音弗

禦魚呂反衣於既反下皆同捐呂沈因絹友顧

辭玄反

郭與專反著直畧反鑣表驕反鑣郭魚謁反沈

魚桀反

鐵他結反轡音秘轡郭音儀疏此別車馬之飾

施音蟻輓於草反首本或作古晉字

疏

名也云輿草前

謂之輓者李巡曰輿草前謂輿前以草為車飾曰輓郭

云以韋鞞車輓鞞謂輓也輓車上橫木毛詩傳云諸侯

之路車有朱草之質而羽飾謂以皮草為本質其上又

以翟羽為之飾詩齊風云輦第朱鄴是也後謂之第者

李巡曰第車後戶名也郭云以韋鞞後戶云竹前謂之

禦者李巡曰竹前謂編竹當車前以擁蔽名之曰禦禦

止也孫炎曰禦以輦為車飾也郭云以輦衣輓詩傳云

輦方丈席也云後謂之蔽者郭云以輦衣後戶即詩所

謂輦第也云環謂之捐謂著車衆環名捐云鑣謂之鑣者鑣馬勒旁鐵一名鑣云載轡謂之轡者轡者御馬之具也古者乘車駕駟馬凡八轡轡端之木名衡衡即軛軛上著環以貫轡此即載轡之環名轡故郭云車軛上環轡所貫也云轡首謂之草者轡首名草也詩大雅云倬草金厄是也郭云轡韉勒見詩字林云韉轡草也

飮謂之餘注說物臭也食饀謂之餲注飯饀臭見論語

搏者謂之攔注飯相著米者謂之糜注飯中有腥肉謂

之敗注臭壞魚謂之餒注肉爛音義

餒呼蓋苦蓋二反字林火刈反郭呼

帶反錄許穢反李云餒錄皆穢臭也臭昌又反饀於器反葛洪音懿釋云饀餒臭也饀色留反字林云飯傷熱濕也央例央冀二反餲於介反字林乙例反一音於葛反食敗也飯扶萬反饑於吠反說文云飯傷熱也字林

乙大反蒼頡篇云食臭敗也搏徒端反糲郭音輦謝力  
丹反沈力旦反字林力但反李云糲飯淖糜相著也著  
直畧反漿郭普厄反施孚八反李云米飯半腥半熟名  
漿腥音星餒奴罪反說文云魚敗曰餒字書作餒同  
疏也此別物臭惡之異名也李巡云飲餒皆穢臭也食飯  
淖糜相著也飯中有腥米者名漿李巡曰半飯半腥半  
熟名漿即論語云失飪不食肉臭壞曰敗魚肉爛曰餒  
即論語云魚餒而肉敗不食是也云飯穢臭者說文云  
穢飯傷熱蒼頡篇云食臭敗也云見論語者鄉黨篇云  
食饘而餒孔氏曰饘餒臭味變是也云肉爛者案春秋  
僖十九年云梁亡公羊傳曰此未有伐者其言梁亡何  
自亡也其自亡奈何魚爛而亡也何休云梁君隆刑峻  
法百姓一旦相率俱去狀若魚爛魚爛從內發故云內  
爛是郭用公羊為說  
今本內作肉恐誤



肉曰脫之注剝其皮也今江東呼糜廕之屬通為肉魚

曰斫之注謂削鱗也音義

脫吐奪反糜音眉斫莊畧牀畧二反字林云斬也

疏

此論辨治擇魚肉之名也肉剝其皮因名脫之李巡云肉去其骨曰脫皇侃云治肉除其筋膜取好者郭氏以與魚曰斬之文連斫謂斬削其鱗則脫是脫剝其皮也嫌羊豕有不剝其皮者故又云今江東呼糜廕之屬通為肉案禮記內則及李巡爾雅本皆云魚曰作之皇侃云作謂搖動也凡取魚搖動之視其鮮餒餒者不食李巡云作之魚骨小無所去今本作斫郭云謂削鱗也

冰脂也注莊子云肌膚若冰雪冰脂膏也音義

冰彼凌反

說文云水堅也孫本作凝牛烝反膏凝曰脂

疏

脂膏也一名冰脂莊子云肌膚若冰雪者此內篇逍遙之

言也案彼云藐姑射之山有神人居焉肌膚若冰雪綽約若處子引之者證水為脂也云脂膏也者孫炎曰膏凝日脂則似脂與膏異而云脂膏者以脂有凝有釋對例即內則注云脂肥凝者釋者曰膏散文則脂膏皆總名也

肉謂之羹注肉臠也廣雅曰湑見左傳魚謂之鮓注鮓鮓屬也見公食大夫禮肉謂之醢注肉醬有骨者謂之

醢注雜骨醬見周禮音義

羹又作膜同古衡下庚二反臠火各火沃二反字林云肉

羹也湑丘及反汁也鮓巨伊反字林止尸反鮓側下反食音嗣又作飢音同醢虎改反醢本又作醬同奴黎反字林作膜音人兮疏此辨魚肉所作食味之名也肉之反謂有骨醢也

所作臠名羹魚所作鮓名鮓以肉

作醬名醢有骨相雜者名鶩云內臠也者儀禮所謂腳臠臠是也云廣雅曰滫者則彼云羹謂之滫是也云見左傳者案隱元年鄭伯寘其母姜氏于城潁而誓之曰不及黃泉無相見也既而悔之潁考叔為潁谷封人聞之有獻於公公賜之食食舍肉公問之對曰小人有母皆嘗小人之食矣未嘗君之羹請以遺之是謂內為羹也云鮪酢屬也案公食大夫禮云牛炙南醢以西牛臠醢牛鮪鄭注云內則謂鮪為膾然則膾用鮪是也云雜骨醬見周禮案醢人職云掌四豆之實朝事之豆其實韭菹醢醢昌本麋鶩鄭注云作醢及鶩者必先膊乾其肉乃後莖之雜以梁麴及鹽漬以美酒塗置甌中百日則成矣是也

康謂之蠱注米皮澱謂之塗注滓澱也今江東呼塗音

義

康說文作糠或省禾口即反蠱音古澱徒薦反塗魚靳反滓側里反

疏

康米皮也一名蠱左傳曰穀之

飛亦名盞是也澁滓泥也  
一名逆郭云今江東呼逆

鼎絕大謂之鼐注最大者圜弁上謂之鬲注鼎斂上而

小口附耳外謂之鉶注鼎耳在表款足者謂之鬲注鼎

曲脚也音義

鼐沈奴戴反郭音乃圜音員弁古奄字於  
檢反鼐音咨施音災郭音才字林音載鉶

音弋款本或作窾苦管反

疏此別鼎名也鼎最大者名

鬲也鬲力的反脚居畧反

鼐體圓斂上而小口者名

鬲詩周頌云鼐鬲及鼐附耳在鬲表者

名鉶款鬲也謂鼎足相去疎潤者名鬲

醴謂之鬯注詩曰漑之釜鬯鬯銘也注涼州呼鈔音義

醴本或作甌即凌反又子孕反鬯徐林反又嗣

疏

醴一  
名鬯

庶反郭財金反漑古代反釜音父鈔昌紙反



竹春反緋古本反又戶本告本疏此別羽數多少之名也本根也鳥羽根名

二反埤蒼云大束也別彼列反

翻一羽名箴十羽名縛百羽名緋案周禮地官羽人職

云掌以時徵羽翮之政于山澤之農以當邦賦之政令

凡受羽十羽為審百羽為搏十搏為縛鄭注云審搏縛

羽數束名也爾雅云一羽謂之箴十羽謂之縛百羽謂

之緋其名音相近也一羽則有名蓋失之矣鄭意以為

箴與審縛與搏緋與縛名數聲音皆相近也一羽不合

有名爾雅一羽則有名疑一羽當為十羽也郭意以

為凡物無不從一為始以爾雅不失周官未為得也

木謂之虞注縣鍾磬之木植者名虞音義虞音巨縣音

疏郭云縣鍾磬之木植者名虞考工記云梓人為荀虞

鄭注云樂器所縣橫曰荀植曰虞然則縣鍾磬者兩

端有植木其上有橫木謂直立者為虞謂橫牽者為

枸枸上加大板為之飾名業詩大雅云虞業維樅

旄謂之叢注旄牛尾也音義

旄音毛叢方疏郭云旄牛皮方賜二反旄尾一名叢

舞者所執也

菜謂之藟注藟者菜茹之總名見詩音義

藟速藟二音詩云其藟維

何維荀及蒲茹如庶反

疏

菜茹名藟郭云藟者菜茹之總名見詩者案大雅韓奕云其藟維何維荀及蒲

毛詩傳云藟菜穀也是矣

白蓋謂之苦注白茅苦今江東呼為蓋音義

蓋音盍苦失占反

疏

孫炎曰白蓋茅苦也郭云白茅苦也今江東呼為蓋然則蓋即苦也以白茅為之故曰白蓋襄十四年左

傳晉將執戎子駒支范宣子親數諸朝曰乃祖吾離被苦蓋杜注云蓋苦之別名也

黃金謂之璫其美者謂之鏐白金謂之銀其美者謂之

鏐注此皆道金銀之別名及精者鏐即紫磨金鉸金謂

之鉸注周禮曰祭五帝即供金鉸是也錫謂之錫注白

鑠音義

璫徒黨反說文云金與玉同色也鏐方幽其幽力幼三反鏐力彫反說文云白金也字林力召

反云美金也磨莫佐反鉸必領反鉸音版本亦作版鉸

余紫戈刃常刃三反鑠力盍反周禮職方氏揚州之利

金錫鄭注云錫疏此別金錫之異名也黃金一名璫其

鑠也字或作鑠精美者名鏐白金名銀其精美者名

鏐郭云此皆道金銀之別名及精者鏐即紫磨金詩傳

云天子玉璫而璫璫諸侯璫璫而鏐璫大夫鏐璫而鏐

璫士璫璫而璫璫鉸金名鉸鉸今白鑠也一名鉸周禮

職方氏云揚州其利金錫是也注云周禮曰祭五帝即



供金鉞者案秋官司金職云旅于上帝則供其金鉞此云祭五帝者旅則祭也上帝則五帝也郭氏以義言之故文異耳彼注云鉞金謂之版此版所施未聞

象謂之鵠角謂之鬻犀謂之斲木謂之剡玉謂之雕注

左傳曰山有木工則剡之五者皆治樸之名音義

鵠胡  
酷古

毒二反白也本亦作黠同廣雅作髡鬻五角反沈音學犀蘇齋反斲本或作厝同七各反剡徒各反雕丁爵反疏郭云五者皆治樸之名謂治其樸俱未成器有此五名也左傳山有木工則剡之隱十一年傳文也

金謂之鏤木謂之剡骨謂之切象謂之磋玉謂之琢石

謂之磨注六者皆治器之名音義

鏤字又作鋤音漏切本或作齧同干結反

磋七何反疏郭云六者皆治器之名也則此謂治器加琢丁角反工而成之名也故論語注云切磋琢磨以

成寶器

是也

璆琳玉也注璆琳美玉名音義

璆音蚪本或作球字渠周反

疏

郭云璆琳

美玉名禹貢梁州云厥貢璆鐵銀鏤又雍州云球琳琅玕是也

簡謂之畢注今簡札也音義

畢如字禮記云呻其佔畢謂呻吟佔視簡畢之文也

李本作

疏

簡竹簡也古未有紙載文於簡謂之簡札一

畢同

名畢禮記學記云呻其佔畢謂但吟誦所視

簡之文是謂

簡為畢也

不律謂之筆注蜀人呼筆為不律也語之變轉音義

不律

說文云吳謂筆為不律

**疏**

筆一名不律許慎云楚謂之聿吳人謂之不律燕謂之弗秦謂之筆郭云蜀人

呼筆為不律也語之變轉

**減謂之點注以筆減字為點音義**

點丁筆丁念二反李本作沾孫本作沾

**疏**

郭云以筆減字為點今猶然

**絕澤謂之銑注銑即美金言最有光澤也國語曰玦之**

**以金銑者謂此也音義**

銑蘇典反玦作玦反金之最光澤者名銑案晉語獻公

使太子申生伐東山佩之金玦狐突歎曰以虎衣純而玦之以金銑者寒甚矣說國語者以銑玉屬與郭異也

**金鏃翦羽謂之鏃注今之鐔箭是也骨鏃不翦羽謂之**

志注今之骨髀是也弓有緣者謂之弓注緣者繳纏之  
即今宛轉也無緣者謂之弭注今之角弓也左傳曰左  
執鞭弭以金者謂之鈇以蜃者謂之珧以玉者謂之珪  
注用金蚌玉飾弓兩頭因取其類以為名珧小蚌音義

鏃作木反鏃侯侯二音鏃匹迷反方言云箭廣長而薄  
廉者謂之鏃髀火交反髀蒼云骨鏃也沈五爪反顧蒲  
交反緣悅絹反下同繳章弱反字林云生絲縷也纏直  
連反宛於阮反弭亡婢反鞭卑縣反鈇蘇典反蜃市忍  
反珧余招反蚌屬也案以蚌疏辨弓箭之名也鏃箭頭  
飾弓弭蚌本作蚌又蒲項反疏也翦齊也以金為鏃齊  
羽者名鏃孫炎曰金鏃斷羽使前重也郭云今之鏃箭  
是也以骨為鏃不齊其羽者名志郭云今之骨髀是也

此二者郭氏皆以今曉古案方言云箭自關而東謂之矢江淮之間謂之鏃關西曰箭鏃胡合羸者四鏃或曰拘腸三鏃者謂之羊頭其廣長而薄鏃謂之鏃或謂之鈹箭其小而長中穿二孔者謂之鏃鏃皆謂鏃箭也弓者說文云以近窮遠象形古者倭作弓周禮六弓王弓弧弓以射甲革櫜質夾弓庾弓以射犴侯鳥獸唐弓大弓以授學射者此弓之類有緣者名弓無緣者名弭李巡曰骨飾兩頭曰弓不以骨飾兩頭曰弭孫炎曰緣謂綴束而漆之弭謂不以綴束骨飾兩頭者也郭云緣者綴纏之即今宛轉也弭今之角弓也然則郭意與孫同也當時謂綴束為宛轉若飾弓兩頭以金者名鈇以壓者名玼以玉者名珪也注左傳左執鞭弭此僖二十二

年傳文也案彼晉公子重耳及楚楚子餐之曰公子若反晉國何以報我對曰其左執鞭弭右執橐鞬以與君周旋是也一云用金蚌飾弓兩頭者以與上弭連文故知然也玼即蜃也孟冬雉入大水為蜃是也鈇即今絕

澤者玼即蜃小者珪即玉成器者以此名弓故云因取其類以為名也云玼小蚌者即釋魚云蜃小者玼是也

珪大尺二寸謂之玠注詩曰錫爾玠珪璋大八寸謂之

琬注璋半珪也璧大六寸謂之宣注漢書所云瑄玉是

也肉倍好謂之璧注肉邊也好孔也好倍肉謂之瑗注

孔大於邊也肉好若一謂之環注邊孔適等音義

玠音介琬

昌育常育二反宣如字本或作瑄音同肉如字又如授

反璧邊也注及下同好如字又音耗璧孔也注及下同

瑗為眷反蒼頡疏此別圭璧之屬也圭者玉器執以為

篇云玉佩名瑞者也大長也珪長尺二寸者名玠

璋半珪也大八寸者名琬璧亦玉器子男所執者也大

六寸者名宣因說璧之制肉邊也好孔也邊大倍於孔

者名璧孔大而邊小者名琬邊孔適等若一者名環左傳昭十六年宣子有環其一在鄭商是也注錫爾珎珎此大雅崧高篇文也云璋半珎也知者以典瑞云四圭有邸以祀天兩圭有邸以祀地圭璧以祀日月璋邸射以祀山川自上而下降殺以半故知璋半珎也案漢書郊祀志云公卿言皇帝始郊見泰一雲陽有司奉瑄玉嘉牲薦饗是也

緣綬也注即佩玉之組所以連繫瑞玉者因通謂之緣

音義

緣音遂綬音受組音祖

疏

所佩之玉名緣繫玉之組名綬以其連繫璣玉因名其綬曰緣故郭

云即佩玉組所以連繫璣玉者因通謂之緣也

一染謂之緣注今之紅也再染謂之頰注染赤三染謂

之纁注纁絳也青謂之葱注淺青黑謂之黝注黝黑貌

周禮曰陰祀用黝牲斧謂之黼注黼文畫斧形因名云

音義

染如琰反下同纁七絹反說文云帛黃赤色黼恥貞反纁詩云反說文云淺絳也字林同葱七公反

黝於疏

別衆色之名也一染謂之纁者此述染絳法也糾反一染一入色名纁今之紅也說文云纁黃赤色

喪服記云公子為其母練冠麻衣纁緣是也再染名纁

即淺赤也三染名纁李巡云三染其色已成為絳纁絳

一名也考工記云三入為纁鄭玄云染纁者三入而成

禹貢云厥篚玄纁是也淺青一名葱玉藻云三命赤黻

葱衡是也黑色名黝以白黑二色畫之為斧形名黼考

工記云白與黑謂之黼書曰黼黻絺繡是也注陰祀用

黝牲此地官牧人職文也鄭注

云陰祀祭地北郊及社稷也



邸謂之祗注根祗皆物之邸邸即底通語也音義

邸以邸反

祗丁疏

根祗名邸邸本也郭云根祗皆物之邸邸即底通語也言凡物之祗必在底下因名云也即周

禮典瑞云四圭有邸以祀天兩圭有邸以祀地皆謂邸為本底也

雕謂之琢注治玉名也疏

案上文治玉璞名雕治玉器名琢彼對例耳散文則雕琢

通謂治玉名不分璞與器也

蓐謂之茲注公羊傳曰屬負茲茲者蓐席也音義

蓐音茲

子斯反屬之欲反

疏

蓐一名茲郭云茲者蓐席也言草蓐之席也宣十二年左傳軍行右轅左追蓐注公

羊傳曰屬負茲此桓十六年傳文也案彼衛侯朔出奔齊傳云何以名絕曷為絕之得罪于天子也其得罪于

天子奈何見使守衛朔而不能使衛小眾越在岱陰齊  
屬負茲舍不即罪爾何休云屬託也天子有疾稱不豫  
諸侯稱負茲大夫稱犬馬士稱負薪舍止也  
託疾止不就罪是也引之以證茲為蓐也

**竿謂之施注木架音義**

竿乾幹二音施李本作筴同疏  
羊支反字林上支反架音駕

凡以竿為永架者名施曲禮  
曰男女不同柅柅謂此也

**簣謂之第注牀版音義**

簣音責第  
側子反

**疏**

簣牀版也一名第  
檀弓曰華而皖大

夫之簣與左傳曰牀第之言不踰閭方言云  
齊魯之間謂之簣陳楚之間或謂之第是也

**草中絕謂之辨注中斷皮也草中辨謂之鞞注復分平**

**也音義**

辨郭普遍反下同鞞蒲覓反釋云辨半分  
也斷都管反鞞音眷又九萬反復扶又反疏去

毛曰草此別分斷之名也中斷之名辨復中分其辨名耚也

鏤鏐也注刻鏤物為鏐音義

鏤音漏鏐字又作鏐同蘇婁反又色留反字書云鏐

鏐也鏐音速疏別二名也郭云刻鏤物為鏐詩云鉤膺鏤錫

卣中尊也注不大不小者音義

自酉由二音疏釋在上

爾雅注疏卷四

爾雅注疏卷四考證

釋宮第五

坭謂之坭注在堂隅坭端也。○陸本端作埤

屋上薄謂之窳。○鄭樵本薄作簿

所以止扉謂之閤疏於門辟旁樹長楹所以止扉者名  
閤。○鄭樵本作於門兩旁

宮中術謂之壺。○陸本壺作壺

廟中路謂之唐。○陸本唐作唐

釋器第六○鄭樵曰器服一體故釋器而該服焉因器而又及飲食之屬

甌瓠謂之瓠疏江湖之間謂之甕齊之東北海岱之間謂之甌○江湖方言作江湘甌方言作僭注所謂家無僭石之餘也音擔

廁謂之甌○陸本甌作甌注皆古鋏插字插鄭樵本作  
鋪

大版謂之業○陸本業作牒

黼領謂之襮。○陸本領作衿。

衣蔽前謂之襜。○陸本襜作幘。

婦人之褱謂之褱褱綏也。○陸本褱作幘。

搏者謂之糲。○鄭樵曰搏謂飯已涎黏成搏。

魚曰斲之注謂削鱗也。○陸本鱗作鰭。

康謂之蠱。○鄭樵曰康今作糠。

澱謂之塗。○鄭樵曰澱即澄泔之澤。

象謂之鵠角謂之鬣犀謂之斲木謂之剡玉謂之雕注。

五者皆治樸之名○樸陸本作璞

不律謂之筆○鄭樵曰緩聲為不律急聲為筆郭云蜀人呼筆為不律許慎云吳人謂之不律觀作爾雅者多用江南音命物恐許氏之言是矣

謂之柢○鄭樵曰邸人之所止也柢乃木之根本是亦其所止也故邸可謂之柢

簣謂之第○鄭樵曰簣薦下竹簿

爾雅注疏卷四考證



覆校官編修臣查瑩

校對官檢討臣龔大萬

膳錄監生臣應夢麟



欽定四庫全書薈要

經部

爾雅注疏卷五



詳校官主事銜<sub>臣</sub>徐以坤

欽定四庫全書薈要卷三千二百七十三

經部

爾雅注疏卷五

原目卷中

晉郭璞注 唐陸德明音義 宋邢昺疏

釋樂第七音義

樂五角反說文云總五聲八音之名象鼓鞀之形木其虞也周禮有大司

職掌六代之樂尚書云帝曰夔命汝典樂是也

疏

案樂記云樂者樂也君子樂得其道小人樂得

其欲也說文云樂五聲八音之總名象鼓鞀之形木虞也白詩也又云石磬也五聲者商角宮徵羽也律歷志云商之爲言章也物成熟可章度角觸也物觸地而出戴芒角也宮中也居中央暢四方唱始施生爲四聲綱也徵祉也物盛大而繁祉也羽宇也物聚藏宇覆之也又云八音土曰埙匏曰笙皮曰鼓竹曰

管絃曰絃石曰磬金曰鍾木曰祝此篇  
總釋五聲名及八音之器故名釋樂也

宮謂之重商謂之敏角謂之經徵謂之迭羽謂之柳注

皆五音之別名其義未詳音義

重直冢反劉歆云宮中  
也居中央暢四方唱始

施生爲四聲綱也孫云宮音濁而遲故曰重也敏亡謹  
反疾也成也審也達也劉歆云商章也物成熟可章度  
也白虎通云商彊也素商爲臣而佐君成政故曰敏敏  
成也經常也劉歆云角觸也物觸地而出戴芒角也徵  
知里反迭大結反劉歆云徵祉也物盛大而繁祉也白  
虎通云徵止也劉歆云羽宇也物聚藏宇覆之也白虎  
通云羽舒也鄭疏案此文則宮一名重商一名敏角一  
注禮云柳聚也疏名經徵一名迭羽一名柳但未見義  
所出也注云皆五音者案鄭玄注樂記云雜比曰音謂  
宮商角徵羽清濁和比謂之音單出曰聲謂五聲之內

唯單有一聲更無餘聲相雜也然則初發口單出者謂之聲衆和合成章謂之音金石千戚羽旋謂之樂則聲爲初音爲中樂爲末此云五音者舉中而言也云之別名者謂重敏經迭柳是宮商角徵羽之別名也云其義未詳者以爾雅之作以釋六藝今經典之中無此五名或在亡逸中不可得知其義故云未詳案孫叔然云宮濁而遲故曰重也孫氏雖有此說更無經據故不取也

大瑟謂之灑注長八尺一寸廣一尺八寸二十七絃音

義

瑟字林云庖義作瑟灑所蟹所綺二反又所買反孫云音多變布出如灑也長直亮反又如字下放此廣

古曠

疏瑟者登歌所用之樂器也故先釋之世本曰庖犧氏作五十絃黃帝使素女鼓瑟哀不自勝乃

破爲二十五絃具二均聲禮圖舊云雅瑟長八尺一寸廣一尺八寸二十三絃其常用者十九絃其餘四絃謂

之番番贏也頌瑟長七尺二寸廣尺八寸二十五絃盡用之熊氏云瑟兩頭有孔其在底下者名越鄉飲酒禮云二人皆左何瑟後首掩越注云越瑟底孔也燕禮云小臣左何瑟面鼓執越注云越瑟下孔也若用之祭祀則練其絃疏其越樂記云清廟之瑟朱絃而疏越鄭注云朱絃練朱絃則聲濁越瑟底孔也畫疏之使聲遲也以其不練則體勁而聲清練則絲熟而聲濁也疏通也使兩頭孔相連而通也孔小則聲急孔大則聲遲故也其大者別名灑孫叔然云音多變布如灑出也郭云二十七絃未見所出

大琴謂之離注或曰琴大者二十七絃未詳長短廣雅

曰琴長三尺六寸六分五絃音義

琴字林云神農作琴疏琴操曰神農作琴伏犧作

琴世本云神農作琴白虎通曰琴者禁也禁止於邪以正人心也琴之大者別名離也孫叔然云音多變聲流

離也云或曰琴大者二十七絃未詳長短者或人言琴有二十七絃是琴之大者也但未詳其長短耳云廣雅曰琴長三尺六寸六分五絃者此常用之琴也象三百六十六日五絃象五行大絃爲君小絃爲臣文王武王加二絃以合君臣之恩也又五絃第一絃爲宮其次商角徵羽文武二絃爲少宮少商又琴操曰廣六寸象六合也又上曰池言其平下曰濱言其服前廣後狹象尊卑上圓下方法天地然琴爲樂器通見詩書故此釋之也

大鼓謂之鼗注鼗長八尺小者謂之應注詩曰應棘縣

鼓在大鼓側音義

鼗扶云反應音應注同李云小者音聲相承故曰應應承也孫云和應大

鼓也棘余刃反詩云應棘縣鼓是也案棘引也謂擊小鼓引樂聲縣音立

疏

別鼓大小之名也鼓之大者名

鼗周禮鼓人職曰以鼗鼓鼓軍事是也其小者名應言  
聲應於大鼓也李巡云小者音聲相承故曰應也孫炎  
云和應大鼓也鼗長八尺者案考工記鞀人爲鼓長八  
尺鼓四尺中圓加三之一謂之鼗後鄭注云中圓加三  
之一者加於面之圓以三分之一也面四尺其圓十二  
尺加以三分一四尺則中圓十六尺徑五尺三寸三分  
寸之一也今亦合二十版則版六寸三分寸之二耳大  
鼓謂之鼗鼓鼓軍事鄭司農云鼓四尺謂革所蒙者廣  
四尺應棘縣鼓周頌有鼗篇文也鄭箋云棘小鼓在  
大鼓旁應鼗之屬也案棘引也謂擊小鼓引樂聲

大磬謂之馨注馨形似犁鎗以玉石爲之音義

磬口定反馨虛

嬌反又音喬孫云馨喬也喬高也謂其聲高也李云大  
磬聲清燥也故曰馨馨燥也犁郭奚反鎗古緩反沈古  
亂反字林云田器也江南人疏馨樂器名也以玉石爲  
呼犁刀爲鎗本亦作貫同之世本曰無句作磬釋

名云磬磬也聲堅磬磬然考工記曰磬氏爲磬倨句一  
矩有半其博爲一股爲二鼓爲三參分其股博去一以  
爲鼓博參分其鼓博以其一爲之厚已上則磨其旁已  
下則磨其端是其制也大者名磬孫炎云磬喬也喬高  
也謂其聲高也李巡云大磬聲清燥也故曰磬磬燥也  
字林云館田器也自江而南呼犂刀爲館此磬形似犂  
館但大爾云以玉石爲之者左傳云玉磬紀  
顛又八音謂磬爲石故知以玉石爲之也

大笙謂之巢注列管瓠中施簧管端大者十九簧小者  
謂之和注十三簧者鄉射記曰三簧一和而成聲音義

笙世本云隨作笙巢孫顧並仕交莊交二反孫又徂交  
反巢高也言其聲高瓠胡故反簧音黃和胡戈反下同  
李云小者聲少音相和也郭引儀禮云三笙一和而成  
聲鄭注云三人吹笙一人吹和又胡卧反孫云應和於



笙疏也世本云隨作笙禮記曰女媧之笙簧釋名曰笙生也象物貫地而生說文云笙正月之音物生故謂

之笙有三簧象鳳之身其大者名巢巢高也言其聲高小者名和李巡云小者聲少音相和也孫炎云應和於笙瓠匏也以匏爲底故八音謂笙爲匏簧者笙管之中金薄鑠也笙管必有簧故或謂笙爲簧詩王風云左執簧是也大者十九簧以時驗而言也云十三簧者鄭司農注周禮亦云十三簧相傳爲然注鄉射記云三笙一和而成聲者彼鄭注云三人吹笙一人吹和是也

大簾謂之沂注簾以竹爲之長尺四寸圍三寸一孔上出寸三分名翹橫吹之小者尺二寸廣雅云八孔音義

簾字又作翹同直知反管有七孔世本云蘓成公所作長一尺二寸沂郭魚斤反又魚靳反李孫云簾聲悲沂

悲也或作斲又作斲疏李巡曰大簾其聲非一也孫炎音宜肌反翹巨遙反疏曰簾聲悲沂悲也釋名曰簾啼也聲如嬰兒啼郭云簾以竹爲之長尺四寸圍三寸一孔上出寸三分名翹橫吹之小者尺二寸廣雅云八孔鄭司農注周禮云簾七空蓋不數其上出者故七也

大塤謂之器注塤燒土爲之大如鵝子銳上平底形如

秤錘六孔小者如鷄子音義

塤本或作塤字同許袁反說文云塤樂器名從土熏

聲釋名云塤喧也聲濁喧喧然案世本云暴辛公所作也圍五寸半長三寸半六孔也器本或作叫字同居吊反李云大塤也鵝如字銳余祭反稱尺證疏說文云塤反錘直危直僞二反廣雅云錘謂之權樂器名從

土熏聲塤塤古今字釋名云塤喧也聲濁喧喧然大塤名器孫炎曰音大如叫呼聲郭云塤燒土爲之大如鵝

子銳上平底形如秤錘六孔小者如鷄子周禮小師注云塤燒土爲之大如鴈卵鄭司農亦云六孔是相傳爲然也世本云暴辛公作塤蕪成公作簾譙周古史云古有塤簾尚矣周幽王時暴辛公善塤蕪成公善簾記者因以爲作謬矣世本之謬信如周言其云蕪公暴公所善亦未知所出蓋以詩小雅云伯氏吹塤仲氏吹簾蕪公刺暴公也故致斯謬

大鍾謂之鑪注書曰笙鑪以間亦名鑪其中謂之剽小

者謂之棧音義

鍾章容反說文作鍾云樂器也字林同世本云垂所作以此鍾爲酒器今經典

通爲樂器鑪音容間間厠之間鑪音博字林云匹各反又音薄字書云大鍾也剽郭音瓢孫匹妙反釋云剽者聲輕疾李云其中微小故曰剽疏此別鍾大小之名也剽小也棧郭側簡反或助板反說文云鍾器也世本

云垂作鍾考工記鳧氏爲鍾釋名曰鍾空也內空受氣多其大者名鏞李巡曰大鍾音聲大鏞大也孫炎曰鏞深長之聲又名鏞大射禮云樂人宿縣於阼階東笙磬西面其南笙鍾其南鏞鄭云鏞如鍾而大是也其不大不小者名剽孫炎曰剽者聲輕疾也李巡云其中微小故曰剽剽小也其小者名棧李巡云棧淺也東晉元興年會稽剡縣人家井中得一鍾長三寸口徑四寸上有銘古文云棧鍾之小者既長三寸自然淺也注書曰笙鏞以間尚書益稷篇文也

大簫謂之言注編二十三管長尺四寸小者謂之筴注

十六管長尺二寸簫一名籟音義

言如字本或作簫音同編卑縣反又方千

反或音步典反筴本或作筴字戶交反籟音籟

疏

此別簫大小之名也風俗通云舜作簫其形參差以象鳳

翼十管長二尺博雅曰簫大者二十三管無底小者十六管有底其大者名言李巡曰大簫聲大者言言也郭云編二十三管長尺四寸其小者名篳李巡曰小者聲揚而小故言篳篳小也郭云十六管長尺二寸簫一名籟又通卦驗云簫長尺四寸其管數長短雖異要是編小竹管爲之耳

大管謂之簫注管長尺圍寸併漆之有底賈氏以爲如

簫六孔其中謂之篴小者謂之篴音義

簫九逆反併步頂反又并之去

聲漆音七篴乃結反

疏

別管小大之名也大管名簫李

筴郭音妙又亡小反

巡云聲高大故曰簫簫高也郭

云管長尺圍寸併漆之有底賈氏以爲如簫六孔小師注云管如笛形小併兩管而吹之今大常樂官有之是

也其中不大不小

者名篴小者名篴

大簫謂之產簫如笛三孔而短小廣雅云七孔其中

謂之仲小者謂之葯音義

簫羊灼反管三孔也本或作簫音產字又作產笛徒歷

反字或作邃仲或作葯

疏

簫樂器名其大者名產其中者名仲小者名葯郭云簫如

笛三孔而短小廣雅云七孔周禮笙師掌教吹簫鄭注云簫如邃三孔詩邶風云左手執簫毛傳云簫六孔所

見異也

徒鼓瑟謂之步注獨作之徒吹謂之和徒歌謂之謠注

詩云我歌且謠徒擊鼓謂之矦注詩曰或歌或矦徒鼓

鍾謂之脩徒鼓磬謂之蹇注未見義所出音義

吹本或作斂字

同昌睡反𠬪五各反字林或作𠬪又本作鄂脩如字本作修字塞李云置擊衆聲塞連也本或作塞字同紀展反或作塞字非郭云未見義所出未知李何所據上重敏經迭柳郭云皆五音別名其義未詳諸家或有音訓亦可爲義上疏凡八音備作曰樂一音獨作不得樂名下皆類此故此辨其異名也徒空也鄭注周禮小

師云出音曰鼓空作一器以出其音者謂之徒鼓故郭云獨作之也注詩云我歌且謠此魏風園有桃篇文也毛傳云曲合樂曰歌徒歌曰謠孫炎云聲消搖也注或歌或𠬪此大雅行葦篇文也毛傳云歌者比於琴瑟也徒擊鼓曰𠬪孫炎云聲驚𠬪也

所以鼓祝謂之止注祝如漆桶方二尺四寸深一尺八寸中有椎柄連底洞之令左右擊止者其椎名所以鼓

敔謂之鼉注敔如伏虎背上有二十七鉏鋸刻以木長

尺櫟之鼉者其名音義

祝昌熟反桶音動又音甬甬即斛也深尸鳩反或如字椎直追

反下同柄兵命反底丁禮反桐大孔反令力呈反敔魚呂反鄭衆云木虎鼉郭之仁反又音戰謝居延反郭云

以木長尺櫟之名鼉

疏

此別祝敔之名也周禮小師掌教鼓鼗祝敔祝敔皆以木爲之

字林云以竹長尺也故大師注云木祝敔也禮記謂之桎楊所以鼓動其祝以出其音者名止所以鼓動其敔以出其音者名鼉郭云祝如漆桶方二尺四寸深一尺八寸中有椎柄連底桐之令左右擊止者其椎名敔如伏虎背上有二十七鉏鋸刻以木長尺櫟之鼉者其名鼻陶謨云合止祝敔鄭注云祝狀如漆桶中有椎合之者投椎於其中而撞之敔狀如伏虎背上刻之所以鼓之以止

樂此等形狀蓋依漢之大常樂而知之



大鼗謂之麻小者謂之料注麻者音概而長也料者聲

清而不亂音義

鼗徒刀反本或作鞀同說文云鞀遼也或作鞀又作鼗攬文作鞀同麻如字料

力彫反概居器反

疏

詩頌云鼗磬祝敔鄭注小師職云鼗如鼓而小持其柄搖之旁耳還自擊一名麻其

小者名料郭云麻者音概而長也料者聲清而不亂

和樂謂之節疏

八音克諧無相奪倫謂之和樂樂和則應節樂記云治世之音安以樂其政和

是也樂記又云大樂與天地同和大禮與天地同節此對文爾總而言之則禮樂相將故此和樂亦謂之節一云節樂器名謂相也樂記云治亂以相鄭注云相即拊也亦以節樂拊者以韋爲表裝之以糠糠一名相因以名焉言治理奏樂之時擊拊以輔相於樂而爲節也既以祝作樂以敔止樂故以節爲和樂義亦通也

# 釋天第八音義

天土堅反釋名云天豫兗以舌腹言  
之天顯也在上高顯也青徐以舌頭

言之天坦也坦然高遠也說文云天巔也至高無上  
從一大禮統云天之爲言鎮也神也陳也珍也施生  
爲本運轉精神功效列陳其道可珍重也春秋說題  
辭云天之爲言鎮也居高理下爲人經緯故其字一  
大以鎮疏河圖括地象云易有太極是生兩儀兩儀  
之也疏未分其氣混沌清濁既分伏者爲天偃者  
爲地釋名云天顯也在上高顯又云天坦也坦然高  
遠說文云天巔也至高無上從一大也春秋說題辭  
云天之言顯也居高理下爲人經緯故其字一大以  
鎮之此天之名義也天之爲體中包乎地日月星辰  
屬焉然天地有高下之形四時有升降之理日月有  
運行之度星辰有次舍之常既曰釋天不得不略言  
其趣故其形狀之殊凡有六等一曰蓋天文見周髀  
如蓋在上二曰渾天形如彈丸地在其中天包其外

猶如雞卵白之繞黃揚雄桓譚張衡蔡邕陸績王肅  
鄭玄之徒並所依用三曰宣夜昔說殷代之制其形  
體事義無所出以言之四曰昕天昕讀曰軒言天北  
高南下若車之軒是吳時姚信所說五曰穹天云穹  
隆在上虞氏所說不知其名也六曰安天是晉時虞  
喜所論案鄭注考靈耀云天者純陽清明無形聖人  
則之制璿璣玉衡以度其象如鄭此言則天是太虛  
本無形體但指諸星之運轉以爲天耳但諸星之轉  
從東而西凡三百六十五日四分之四星復舊處  
星既左轉日則右行亦三百六十五日四分之四一  
至舊星之處即日一日之行而爲一度計二十八宿  
一周天凡三百六十五度四分之度之一是天之一周  
之數也天如彈丸圍圓三百六十五度四分之度之一  
案考靈耀云一度二千九百三十二里千四百六十  
一分里之三百四十八周天百七萬一千里者是天  
圍周之里數也以圍三徑一言之則直徑三十五萬

七千里此爲二十八宿周迴直徑之數也然二十八宿之外上下東西各有萬五千里是爲四遊之極謂之四表據四表之內并星宿內總有三十八萬七千里然則天之中央上下正半之處則一十九萬三千里蓋厚三萬里春分之時地正當中自此地漸漸而下至夏至之時地下萬五千里地之上畔與天中平夏至之後地漸漸向上至秋分地正當天之中央自此地漸漸而上至冬至上遊萬五千里地之下畔與天中自冬至後地漸漸而下此是地之升降於三萬里之中但混大之體雖繞於地地則中央正平天則北高南下北極高於地三十六度南極下於地三十六度然則北極之下三十六度常見不沒南極之上三十六度常見不見南極至北極一百二十一度餘若逐曲計之則一百八十一度餘若以南北中半言之謂之赤道去南極九十一度去北極亦九十一度

餘此是春秋分之日道赤道之北二十四度爲夏至之日道去北極六十七度也赤道之南二十四度爲冬至之日道去南極亦六十七度地有升降星辰有四遊又鄭注考靈耀云天旁行四表之中冬南夏北春西秋東皆薄四表而止地亦升降於天中冬至而下夏至而上二至上下蓋極地厚也地與星辰俱有四遊升降四遊者自立春地與星辰西遊春分西遊之極地雖西極升降正中從此漸漸而東至春季復正自立夏之後北遊夏至北遊之極地則升降極下至夏季復正立秋之後東遊秋分東遊之極地則升降正中至秋季復正立冬之後南遊冬至南遊之極地則升降極上至冬季復正此是地及星辰四遊之義也星辰亦隨地升降故鄭注考靈耀云夏日道上與四表平下去東井十二度爲三萬里則是夏至之日上極萬五千里星辰下極萬五千里故夏至之日下至東井三萬里也日有九道故考靈耀云萬里不

失九道謀鄭注引河圖帝覽嬉云黃道一青道二出黃道東赤道二出黃道南白道二出黃道西黑道二出黃道北日春東從青道夏南從赤道秋西從白道冬北從黑道立春星辰西遊日則東遊立夏星辰北遊日則南遊春分星辰西遊之極日東遊之極日與星辰相去三萬里夏至則星辰北遊之極日南遊之極日與星辰相去三萬里以此推之秋冬倣此可知計夏至之日日在井星當嵩高之上以其南遊之極故在嵩高之南萬五千里所以夏至有尺五寸之景也於時日又上極星辰下極故日下去東井三萬里也然鄭四遊之說元出周髀之文但二十八宿從東而左行日從西而右行一度逆沿二十八宿案漢書律歷志云冬至之時日在牽牛初度春分之時日在婁四度夏至之時日在東井三十一度秋分之時日在角十度若日在東井則極長八尺之表尺五寸之景若春分在婁秋分在角晝夜等八尺之表七尺五

寸之景冬至日在牽牛則日極短八尺之表一丈三尺之景一丈三尺之中去其一尺五寸則餘有一丈一尺五寸之景是冬夏往來之景也凡於地千里而差一寸則夏至去冬至體漸南漸下相去十一萬五千里又考靈耀云正月假上八萬里假下一十萬四千里所以有假上假下者鄭注考靈耀之意以天去地十九萬三千五百里正月雨水之時日在上假於天八萬里下至地一十一萬三千五百里夏至之時日上極與天表平也後日漸向下故鄭注考靈耀云夏至日與表平冬至之時日下至於地八萬里上至於天十一萬三千五百里也委曲具考靈耀注凡二十八宿及諸星皆循天左行一日一夜一周天一周天之外更行一度計一年三百六十五周天四分之一日月五星則右行日一日一度月一日一十三度十九分度之七此相通之數也今虛象之說則月一日至於四日行最疾日行十四度餘自五日至八

日行次疾日行十三度餘自九日至十九日行則遲  
日行十二度餘自二十日至二十三日又小疾日行  
十三度餘自二十四日至於晦行又最疾日行一十  
四度餘此是月行之大率也二十七日月行一周天  
至二十九日彊半月及於日與日相會乃爲一月故  
考靈耀云九百四十分爲一日二十九日與四百九  
十九分爲月是一月二十九日之外至第三十分分  
至四百九十九分月及於日計九百四十分則四百  
七十爲半今四百九十九分是過半二十九分也餘  
倣此月陰精日爲陽精故周髀云日猶火月猶水火  
則外光水則含景故月光生於日所照魄生於日所  
蔽當日則光盈就日則明盡京房云月與星辰陰者  
也有形無光日照之乃有光先師以爲日似彈丸月  
似鏡體或以爲月亦似彈丸日照處則明不照處則  
闇案律歷志云二十八宿之度角一十二度亢九氐  
十五房五心五尾十八箕十一東方七十五度斗二



十六牛八女十二虛十危十七營室十六壁九北方  
九十八度奎十六婁十二胃十四昂十一畢十六觜  
二參九西方八十度井三十三鬼四柳十五星七張  
十八翼十八軫十七南方一百一十二度丑爲星紀  
初斗十二度終婺女七度子爲玄枵初婺女八度終  
於危十五度亥爲姬觜初危十六度終於奎四度戌  
爲降婁初奎五度終於胃六度酉爲大梁初胃七度  
終於畢十一度申爲實沈初畢十二度終於井十五  
度未爲鶉首初井十六度終於柳八度午爲鶉火初  
柳九度終於張十七度巳爲鶉尾初張十八度終於  
軫十一度辰爲壽星初軫十二度終於辰四度卯爲  
大火初辰五度終於尾九度寅爲析木初尾十度終  
於斗十一度五星者東方歲星南方熒惑西方太白  
北方辰星中央鎮星其行之遲速俱在律歷志更不  
煩說元命包云日之爲言實也月闕也劉熙釋名云  
日實也光明盛實月闕也滿則闕也說題辭云星陽

精之榮也陽精爲日日分爲星故其字曰下生也釋  
名云星散也布散於天又云陰陰也氣在內與陰也  
陽陽也陽氣在外發揚此等是陰陽日月之名也祭  
法黃帝正名百物其名蓋黃帝而有也或後人更有  
增足其天高地下日盈月闕皆星度少并斗度多日  
月右行星辰左轉四遊升降之差二儀運動之法非  
由人事所作皆是造化自然先儒因其自然遂以人  
事爲義或據理是實或構虛不經既無正文可憑今  
皆略而  
不錄

穹蒼蒼天也注天形穹隆其色蒼蒼因名云春爲蒼天  
注萬物蒼蒼然生夏爲昊天注言氣皓旡秋爲旻天注  
旻猶愍也愍萬物彫落冬爲上天注言時無事在上而

臨下而已音義

穹起宮反蒼且剛反郭以穹及蒼蒼俱爲天稱毛詩傳則以蒼天釋穹蒼隆呂

穹反夏胡駕反下同吳胡果反皓胡老反本亦作昊光

明也日出也盱古案反日光出也昊亡巾反慙亡忍反

彫都聊反

疏

此釋四時之天名也云穹蒼蒼天也者詩大雅桑柔云靡有旅力以念穹蒼故此釋

上時義反之也詩人因天形穹隆其色蒼蒼故云穹蒼其實則與

下云春爲蒼天者是一故云穹蒼蒼天也郭云天形穹

隆其色蒼蒼因名云也云春爲蒼天者詩王風黍離云

悠悠蒼天故此釋之也郭云萬物蒼蒼然生者言春時

萬物蒼蒼然生春時天名曰蒼天也云夏爲昊天者詩

雨無正云浩浩昊天故此釋之昊者元氣博大之貌郭

云言氣皓盱者皓盱日光出之貌也言畏日光明皓盱

因名云昊天也云秋爲昊天者詩大雅召是云昊天疾

威之類是慙也言秋氣肅殺萬物可慙故曰昊天郭云

是猶慙也慙萬物雕落者是慙詩序文但彼慙作閔音

義同也云冬爲上天者詩小雅信南山云上天同雲之類言冬時無事唯在於上故曰上天郭云言時無事在上臨下而已者言冬氣閉藏無他生殺之事惟在於上監於下而已也案詩傳云蒼天以體言之尊而君之則稱皇天元氣廣大則稱昊天仁覆閔下則稱昊天自上降監則稱上天據遠視之蒼蒼然則稱蒼天毛公此傳當有成文不知出何書李巡云古詩人質仰視天形穹隆而高其色蒼蒼故曰穹蒼是蒼天以體言之也皇君也故尊而君之則稱皇天昊天貌故言其混元之氣昊天廣大則稱昊天昊天閔也言其以仁慈之恩覆閔在下則稱昊天從上而下視萬物則稱上天據人遠而視之其色蒼蒼然則稱蒼天又李巡注此云春萬物始生其色蒼蒼故曰蒼天夏萬物盛壯其氣昊昊故曰昊天秋萬物成熟皆有文章故曰昊天冬陰氣在上萬物伏藏故曰上天案此以四時異其天名詩傳則各用所宜爲稱似相乖異而鄭立則和合二說故異義同號今尚書

歐陽說春曰昊天夏曰蒼天秋曰昊天冬曰上天爾雅亦云古尚書與毛詩同謹案尚書堯典羲和以昊天總勅以四時故知昊天不獨春也左傳夏四月孔丘卒稱曰昊天不弔非秋也立之聞也爾雅者孔子門人所作以釋六藝之言蓋不誤也春氣博施故以廣大言之夏氣高明故以遠大言之秋氣或生或殺故以閔下言之冬氣閉藏而清察故以監下言之皇天者至尊之號也六藝之中諸稱天者以情所切求之耳非必於其時稱之浩浩昊天求天之博施悠悠蒼天求天之高明昊天不弔求天之生殺當得其宜上天同雲求天之所為當順其時也此之求天猶人之說事各從其主耳若察於是則堯命羲和欽若昊天孔丘卒昊天不弔無可怪耳是鄭和合二說之事也爾雅春為蒼天夏為昊天歐陽說春為昊天夏為蒼天鄭即言爾雅不誤當從爾雅而又從歐陽說以春昊天夏蒼者鄭讀爾雅與孫郭本異故許慎既載今尚書說即言爾雅亦云明見爾雅與歐陽

說同雖蒼昊有春夏之殊則未知孰是要三說理相符合故鄭和而釋之

### 四時疏

此題上事也言上所陳是四時之名也題之在下者若周公踐阼及詩篇章句

皆篇末題之故此亦爾白虎通云歲時何謂春秋冬夏也時者期也陰陽消息之期也鄉飲酒義云春之爲言蠢也產萬物者聖也夏之爲言假也養之長之假之仁也秋之爲言摯也摯之以時察守義者也冬之爲言中也中者藏也

春爲青陽注氣清而溫陽夏爲朱明注氣赤而光明秋爲白藏注氣白而收藏冬爲玄英注氣黑而清英四時和謂之玉燭注道光照春爲發生夏爲長嬴秋爲收成

冬爲安寧注此亦四時之別號尸子皆以爲大平祥風  
四時和爲通正注通平暢也謂之景風注所以致景風  
甘雨時降萬物以嘉注莫不善之謂之醴泉注所以出

醴泉音義

藏徂蒼反英於京反玉燭李云人君德美如玉而明若燭長謝丁兩反李云萬物各發生

長也施直良反羸本或作羸以征反大音泰醴本或作澧字音禮

疏

此釋太平之時四氣和暢以致嘉祥

之事也云春爲青陽者言青春之氣和則青而溫陽也云夏爲朱明者言夏之氣和則赤而光明也云秋爲白藏者言秋之氣和則色白而收藏也云冬爲玄英者言冬之氣和則黑而清英也云四氣和謂之玉燭注云道光照者道言也言四時和氣溫潤明照故曰玉燭李巡云人君德美如玉而明若燭聘義云君子比德於玉焉

是知人君若德輝動於內則和氣應於外統而言之謂之玉燭也云春爲發生夏爲長贏秋爲收成冬爲安寧者此亦四時之別號也云四時和爲通正者言上四時之功和是爲通暢平正也云謂之景風者言所以致景風景風即祥風也云甘雨時降萬物以嘉者嘉善也甘雨即時雨也不爲萬物所苦故曰甘若月令苦雨數來則非甘也甘雨既以時降則萬物莫不嘉善之也云謂之醴泉者言四時平暢亦所以使地出醴泉也醴泉者水泉味甘如醴也云此亦四時之別號者言與上青陽等同爲四時別號故云亦也上據氣而言此據功爲說注尸子皆以爲太平祥風者案尸子仁意篇述太平之事云燭於玉燭飲於醴泉暢於永風春爲青陽夏爲朱明秋爲白藏冬爲玄英四時和正光照此之謂玉燭甘雨時降萬物以嘉高者不少下者不多此之謂醴泉其風春爲發生夏爲長贏秋爲方盛冬爲安靜四氣和爲通正此之謂永風是也案援神契云德及於天斗極明



日月光甘露降德至深泉則黃龍見醴泉湧是言王者修德以名和平則致景風醴泉也案此經所釋即謂發生等爲景風時雨爲醴泉而郭云所以致景風醴泉者所以弘通其義也

祥疏

云祥者亦題上事也祥吉也善也言此上皆太平之吉祥也

穀不熟爲饑注五穀不成蔬不熟爲饑注凡草菜可食者通名爲蔬果不熟爲荒注果木子仍饑爲荐注連歲

不熟左傳曰今又荐飢音義

饑居疑反本或作飢又作古飢字說文字林皆云饑

穀不熟飢餓也蔬音疎饑巨靳疏此釋歲凶災荒之名反荐李本作薦字音同在見反也穀謂五穀黍稷麻麥豆也熟成也五穀不成曰饑郭云凡草菜可食者通名蔬李巡曰可食之菜皆不熟爲饑周禮天官大宰職

云以九職任萬民八曰臣妾聚斂疏材鄭玄云疏材百草根實可食者小雅云降喪饑饉襄公二十四年穀梁傳曰一穀不升謂之歉二穀不升謂之饑三穀不升謂之饉四穀不升謂之荒五穀不升謂之大饑又謂之大侵彼以五穀熟之多寡立差等之名其實五者皆是饑也三穀不升於民之困蓋與蔬不熟同故俱名爲饉也果木子也不成熟之歲名荒仍因也飢饉也連歲不熟爲荐饑僖十三年晉荐飢是也注左傳曰今又荐飢此晉語文也左丘明既作傳以解春秋又采簡牘以作國語其文不主於經故謂之外傳俱是丘明所作亦得云左傳曰案彼云晉饑乞糴於秦丕豹曰晉君無禮於君莫不知往年有難今又荐飢已失人又失天其殃也多矣君其代之勿與糴是其事也

## 災疏

云災者亦題上事也下皆倣此

大歲在甲曰闕逢在乙曰旃蒙在丙曰柔兆在丁曰強  
圉在戊曰著雍在己曰屠維在庚曰上章在辛曰重光  
在壬曰玄默在癸曰昭陽音義

大音泰下放此本今作太闕烏割反又於敬反

又於虔反逢符隆反旃之然反蒙莫東反強本或作彊  
字音同渠良反圉魚呂反戊音茂著直魚反孫直略反  
又陟慮遲慮反本或作祝字宜章六反雍於恭反本  
或作黎字宜力低反己音紀重直龍反默余職反

### 歲陽

太歲在寅曰攝提格在卯曰單閼在辰曰執徐在巳曰  
大荒落在午曰敦牂在未曰協洽在申曰涒灘在酉曰

作噩在戌曰閹茂在亥曰大淵獻在子曰困敦在丑曰

赤奮若音義

提徒兮反卯亡巧反單音丹李云盡也又音蟬或音善闕於葛反李云土也又於虔

反執徐此二字依文讀李云執塾也徐舒也言塾物皆  
穀舒而出故曰執徐也已音祀敦如字韋昭音頓牂子  
良反協音叶洽户浹反泥湯昆反灘本或作攤郭勅丹  
勅旦二反字林大安他安二反噩本或作𠂔字同五各  
反漢書作詒韋昭音折擢案聲類詒音五格反戌疏此  
先律反闕於檢反漢書作掩敦都鈍反奮方問反別  
太歲在日在辰之名也甲至癸為十日日為陽寅至丑  
為十二辰辰為陰案漢書律歷志云迺以前歷上元泰  
初四千六百二十七歲至於元封七年復得闕逢攝提  
格之歲中冬孟康曰言復得者上元泰初時亦是闕逢  
之歲歲在甲曰闕逢在寅曰攝提格此謂甲寅之歲也  
然則乙卯之歲曰旃蒙單閼丙辰之歲曰柔兆執徐丁

已之歲曰強圉大荒落戊午之歲曰著雍敦牂己未之歲曰屠維協洽庚申之歲曰上章涖灘辛酉之歲曰重光作噩壬戌之歲曰玄默闋茂癸亥之歲曰昭陽大淵獻甲子之歲曰閼逢困敦乙丑之歲曰旃蒙赤奮若以此推之周而復始可知

載歲也夏曰歲注取歲星行一次商曰祀注取四時一

終周曰年注取禾一熟唐虞曰載注取物終更始音義

夏胡雅反歲亂征云每歲孟春祀太甲云惟元祀年見春秋尚書載堯典云朕在位七十載

疏

別年歲之

名也載即歲也白虎通云王者受命而改正朔者明易姓示不相襲也明受之於天不受之於人所以變易民心革其耳目以助化也然則歲名變易理亦同此故夏曰歲取歲星行一次夏書曰每歲孟春道人以木鐸徇

于路是也商曰祀取四時一終則以祀者嗣也取其興  
來繼往之義孫炎曰取四時祭祀一訖商書曰惟元祀  
十有二月乙丑伊尹嗣于先王是也周曰年者取禾一  
熟也案說文云年穀熟也從禾千聲春秋曰大有年然  
則年者禾熟之名每歲一熟故以爲歲名左傳曰卜年  
七百是也唐虞曰載載始也取物終更始堯典曰朕在  
位七十載舜典曰五載一巡守是也一案律厯志分二  
十八宿爲十二次晉灼注天文志云太歲在四仲則歲  
行三宿太歲在四孟四季則歲行二宿二十八宿三  
十二而行二十八宿十二歲而周天是歲星年行一次  
也

## 歲名

月在甲曰畢在乙曰橘在丙曰修在丁曰圉在戊曰厲

在己曰則在庚曰室在辛曰塞在壬曰終在癸曰極音

義

橘均筆反修本亦作脩圍音語  
己音紀室知乙反塞先北反

月陽

正月爲陬注離騷云攝提貞於孟陬二月爲如三月爲  
寗四月爲余五月爲皋六月爲且七月爲相八月爲壯  
九月爲玄注國語云至于玄月是也十月爲陽注純陰  
用事嫌於無陽故以名云十一月爲辜十二月爲涂注  
皆月之別名自歲陽至此其事義皆所未詳通者故闕

而不論音義

正音征陬側留子侯二反隅也又子瑜反  
病本或作窩字同郭孚柄反又況病反又

匡詠反李陂病反余餘舒二音孫作舒李云舒也萬物  
生枝葉故曰舒也臯或作高同且子余反相息亮反壯

側亮反陽本或作霽字同詩云  
日月陽止是也辜音姑涂音徒  
疏此辨以日配月之名

也設若正月得甲則

也設若正月得甲則

曰畢陬二月得乙則曰橘如三月得丙則曰修病四月  
得丁則曰圉余五月得戊則曰厲臯六月得己則曰則

且七月得庚則曰室相八月得辛則曰塞壯九月得壬  
則曰終亥十月得癸則曰極陽十一月得甲則曰畢辜

十二月得乙則曰橘涂周而復始亦可知也若史記歷  
書云月名畢聚也注離騷者屈原所作也屈原與楚同

姓事懷王爲三閭大夫爲大夫靳尚所譖毀見疎乃作  
離騷經離別也騷愁也言已放逐離別心中愁思猶陳

正道以諷諫君也其經曰帝高陽之苗裔兮朕皇考曰  
伯庸攝提貞於孟陬兮惟庚寅寅吾以降彼注云言已生



得陰陽之正中者引之以証正月爲限之義云國語云  
至於立月是也此越語文也案彼云越王將伐吳范蠡  
諫曰王姑待之至於立月王召范蠡而問焉彼注云魯  
哀公十六年九月也至十七年三月越伐吳是也引之  
以證九月爲立也云純陰用事嫌於無陽故以名云者  
以易言之五月一陰生十月純陰用事故云純陰用事  
也云嫌者君子愛陽而惡陰故以陽名之無陽而得陽  
名者以分陰分陽迭用剛柔十二月之消息見其用事  
耳其實陰陽有常詩緯曰陽生酉仲陰生戌仲是十月  
中兼有陰陽也四月莠蔓靡草死豈無陰乎明陰陽常  
兼有也詩小雅云日月陽止是也又云自歲陽至此者  
謂自閏逢以下也云其事義皆所未詳通者案李巡孫  
炎雖各有其說皆構虛不  
經疑事無質故闕而不論

月名

南風謂之凱風注詩曰凱風自南東風謂之谷風注詩云習習谷風北風謂之涼風注詩云北風其涼西風謂之泰風注詩曰泰風有隧焚輪謂之頽注暴風從上下扶搖謂之猋注暴風從下上風與火爲庀注庀庀熾盛之貌迴風爲飄注旋風也日出而風爲暴注詩云終風且暴風而雨土爲霾注詩云終風且霾陰而風爲曠注詩曰終風且曠天氣下地不應曰霧注言蒙昧地氣發天不應曰霧霧謂之晦注言晦冥蟬螻謂之雩蟬螻虹

也注俗名爲美人虹江東呼雩蜺爲挈貳注蜺雌虹也

見離騷挈貳其別名見尸子弁日爲蔽雲注即暈氣五  
彩覆日也疾雷爲庭霓注雷之急擊者謂霹靂雨霓爲  
霄雪注詩曰如彼雨雪先集維霓霓冰雪雜下者謂之  
霄雪暴雨謂之凍注今江東呼夏月暴雨爲凍雨離騷  
云令飄風兮先驅使凍雨兮灑塵是也小雨謂之霖霖  
注詩曰益之以霖霖久雨謂之淫注左傳曰天作淫雨  
淫謂之霖注雨自三日已上爲霖濟謂之霽注今南陽

人呼雨止為霽音義

凱口海反又作颯涼本或作古颯字同力張反隧音遂楚符云反頽

本或作積隤同徒回反扶如字字林作颯同搖音遙字林作颯同焱必遙反字林作颯音同上時掌反庀徒袞

徒昆二反本或作焮字同熾尺志反飄音瓢暴薄報反雨音芋下雨寬注雨雪同霾亡皆反字林云亡戒反墮

於計反應於證反下同霽或作霧字同亡公亡侯二反霧亡弄反又亡付反字林作霧音司本亦作霧晦音誨

冥亡定反蟬丁計反本或作蟬蛸同竦丁孔反詩作東音同又德紅反雩案字林越俱反今借為芳音于句反

虹胡公反字林云工弄反陳國武古巷反郭音講俗亦呼為青絳也寬五兮反如淳五結反郭五擊反音義云

雄曰虹雌曰霓說文曰屈虹青赤也一曰白色陰氣也故孟子云若大旱之望雲霓也挈本或作契字同苦結

反貳而至反奔音掩暈音運庭徒丁反字林同又徒佞徒頂二反說文云雷餘聲鈴鈴所以挺出萬物也霹靂

覓反靈力狄反楊雄羽獵賦云霹靂列缺吐火施鞭吏  
記云霹靂者陽氣也覓本或作霰霹靂同悉練反霄音消  
本亦作消說文曰雨覓爲霄齊語也涑都貢反郭音東  
令力呈反驅如字豈俱羌句二反灑所買所綺二反霖  
亡革反字林作霖音同又亡狄反霖亡祿反上時掌反  
濟祖細反霽字林子系反云雨止也郭祖禮反一音祖  
細疏此釋風雨之名也易曰風以動之雨以潤之又曰  
反潤之以風雨洪範曰月之從星則以風雨然則風  
雨相將之物故此類聚而釋之也云南風謂之凱風者  
李巡曰南風長養萬物喜樂故曰凱風凱樂也郭氏無  
說義或當然詩邶風云凱風自南是也云東風謂之谷  
風者孫炎曰谷之言穀穀生也谷風者生長之風也詩  
邶風云習習谷風是也云北風謂之涼風者北風一名  
涼風言北風寒涼之風也月令孟秋之月涼風至詩邶  
風云北風其涼是也云西風謂之泰風者孫炎曰西風  
成物物豐泰也詩大雅桑柔云泰風有隧是也云焚輪

謂之顙者李巡曰焚輪暴風從上來降謂之顙顙下也  
孫炎曰迴風從上下曰顙郭云暴風從上下與李同也  
詩小雅云習習谷風維風及顙是也云扶搖謂之焱者  
李巡曰扶搖暴風從下上升故曰焱焱上也孫炎曰迴  
風從下上曰焱郭云暴風從下上亦同李說莊子說鵬  
云搏扶搖而上者九萬里月令孟春行秋令則焱風暴  
雨總至是也云風與火爲庀者郭云庀庀熾盛之貌言  
風自火出火因風熾而有火風者爲庀云迴風爲飄者  
郭云旋風也李巡曰一曰飄風別二名也詩蓼莪云飄  
風發發是也云日出而風爲暴者孫炎云陰雲不興而  
大風暴起然則爲風之暴疾故詩邶風云終風且暴毛  
傳云暴疾也云風而雨土爲霾者孫炎曰大風揚塵土  
從上下也詩邶風云終風且霾是也云陰而風爲曠者  
孫炎曰雲風曠日光詩邶風云終風且曠是也云天氣  
下地不應曰雩者郭云言蒙昧洪範云曰雩鄭注云雩  
聲近蒙詩零雨其蒙則雩是天氣下降地氣不應蒙闇

也云地氣發而天不應曰霧霧謂之晦者郭云言晦冥月令仲冬行夏令氛霧冥冥鄭云霜露之氣散相亂也然則地氣發而上天不應之則爲氛霧霧又名晦春秋僖十五年己卯晦震夷伯之廟公羊穀梁皆云晦冥也是矣云蟬蛭謂之雩蟬蛭虹也者郭云俗名美人虹江東呼雩然則蟬蛭一名雩一名虹詩廊風云蛭蛭在東月令季春之月虹始見音義云虹雙出色鮮盛者爲雄雄曰虹闇者爲雌雌曰蛭虹是陰陽交會之氣純陰純陽則虹不見若雲薄漏日日照雨滴則虹生蟬與蛭音義同云蛭爲挈貳者蛭雌虹也一名挈貳說文云霓屈虹青赤或白色陰氣也郭云見離騷者即天問云白蛭嬰茀胡爲此堂及遠遊章云雌蛭姬嫫以會撓兮是也挈貳其別名也文見尸子云弁日爲蔽雲者郭云即暈氣五彩覆日也然則暈氣弁日名蔽雲周禮春官眡祿掌十輝之法鄭司農云輝謂日光炁是也云疾雷爲霆霓者郭云雷之急擊者謂霹靂案說文云霆雷餘聲也

鈴鈴所以擬出萬物也又云震劈歷振物者然則疾雷一名霆霓又名震春秋震夷伯之廟謂劈歷破之是也霹靂俗字也云雨霓爲霄雪者霓冰雪雜下也因名霄雪霄即消也詩小雅頌弁云如彼雨雪先集維霰鄭箋云將大雨雪始必微溫雪自上下遇溫氣而搏謂之霰案大戴禮曾子云陽之專氣爲霰陰之專氣爲雹盛陽之氣在雨水則溫暖爲陰氣薄而脅之不相入則搏爲雹也盛陰之氣在雨水則凝滯而爲雪陽氣薄而脅之不相入則消散而下因冰而爲雹是霰由陽氣所薄而爲之故鄭言遇溫氣而搏也霓與霰音義同云暴雨謂之凍者暴雨謂驟雨也一名凍郭云今江東呼夏月暴雨爲凍雨離騷云令飄風兮先驅使凍雨兮灑塵是也者此離騷九歌大司命文案彼云廣開兮天門紛吾乘兮玄雲令飄風兮先驅使凍雨兮灑塵是也云小雨謂之霖霖者小雨一名霖霖小雅信南山云益之以霖霖是也李巡云冰雪俱下案此文上有暴雨下云久雨於



中間無雪事而云冰雪俱下安矣云久雨謂之淫者淫過也久雨過多害於五稼故謂之淫月令季春行秋令則天多沈陰淫雨早降謂久雨也注云左傳曰天作淫雨者莊十二年傳文也云淫謂之霖者淫雨又名霖也郭云雨自三日已上爲霖者隱九年左傳文也云濟謂之霽者濟止也雨止名霽郭云今南陽人呼雨止爲霽書云曰霽

# 風雨疏

風雨者題上事也

壽星角亢也注數起角亢列宿之長故曰壽天根氐也注角亢下繫於氐若木之有根天駟房也注龍爲天馬故房四星謂之天駟大辰房心尾也注龍星明者以爲

時候故曰大辰大火謂之大辰注大火心也在中最明  
故時候主焉析木謂之津注即漢津也箕斗之間漢津  
也注箕龍尾斗南斗天漢之津梁星紀斗牽牛也注牽  
牛斗者日月五星之所終始故謂之星紀立枵虛也注  
虛在正北北方黑色枵之言耗耗亦虛意顓頊之虛虛  
也注顓頊水德位在北方北陸虛也注虛星之名凡四  
營室謂之定注定正也作宮室皆以營室之中爲正姬  
胙之口營室東壁也注營室東壁星四方似口因名云

降婁奎婁也注奎爲溝瀆故名降大梁昴也西陸昴也

注昴西方之宿別名旄頭濁謂之畢注掩兔之畢或呼

爲濁因星形以名味謂之柳注味朱鳥之名柳鶉火也

注鶉鳥名火屬南方北極謂之北辰注北極天之中以

正四時何鼓謂之牽牛注今荆楚人呼牽牛星爲檐鼓

檐者荷也明星謂之启明注太白星也晨見東方爲启

明昏見西方爲太白彗星爲欃槍注亦謂之孛言其形

孛孛似掃彗奔星爲彗約注流星音義

亢音剛又口浪反或戶剛反數

色佳反宿夙又反下同長丁丈反氐都黎反郭音觝丁  
禮反注云若木之有根尋義應作丁計反析星歷反枵  
許嬌反左傳云枵耗名也耗呼報反顓音專項許玉反  
顓項帝高陽氏虛此一字音墟下如字定多佞反嫫子  
瑜反觥咨移反又子鼈反壁布覓反今案此星有人居  
之角象宜爲壁降胡江反又江巷反注同婁郎侯反奎  
口圭反昴音卯本或作鼎同旄音毛兔佗故反味猪究  
反本或作喙許穢反說文云喙口也昌銳反柳力九反  
鵠音純何郭胡可反又胡多反注同小爾雅云任也說  
文云檐也注作荷字音同檐丁甘反字林負也启口禮  
反見賢遍反下同彗似銳反又音遂櫓初銜仕衫二反  
槍初庚七羊二反字蒲忽反或音佩埽素報反約蒲博  
步角皮約三反約如疏此別星名也案周禮保章氏以  
字又於詔反又音握星土辨九州之地所封封域皆  
有分星以觀妖祥鄭立注云大界則曰九州諸國之封  
域於星亦有分焉其書亡矣堪輿雖有郡國所入度非

欽定四庫全書

卷五

古數也今其存可言者十二次之分也星紀吳越也玄  
枵齊也娵訾衛也降婁魯也大梁趙也實沈晉也鶉首  
秦也鶉火周也鶉尾楚也壽星鄭也大火宋也析木燕  
也又漢書律歷志東方角亢氐房心尾箕北方斗牛女  
虛危室壁西方奎婁胃昂畢觜參南方井鬼柳星張翼  
軫宿凡二十八此經所釋次惟有九宿惟十七者以爾  
雅之作釋六藝所載者所不載者則闕焉壽星角亢也  
者言壽星之次值角亢之宿也郭云穀起角亢列宿之  
長故曰壽天文志云東宮蒼龍左角理右角將大角者  
天王帝坐廷亢主宗廟是也云天根氐也者氐一名天  
根郭云角亢下繫於氐若木之有根國語曰天根見而  
水涸是也云天駟房也者房一名天駟也郭云龍爲天  
馬故房四星謂之天駟天文志曰房爲天府曰天駟國  
語曰月在天駟是也云大辰房心尾也者大辰房心尾  
之總名也辰時也郭云龍星明者以爲時候故曰大辰  
春秋昭十七年冬有星孛於大辰是也云大火謂之大

辰者大火大辰之次名也李巡云大火蒼龍宿心以候  
四時郭云大火心也在中最明故時候主焉左傳曰心  
爲大火是也云析木謂之津箕斗之間漢津也者析木  
之津箕斗之次名也孫炎曰析別水木以箕斗之間是  
天漢之津也劉炫謂是天漢即天河也天河在箕斗二  
星之間箕在東方木位斗在北方水位分析水木以箕  
星爲隔隔河須津梁以渡故謂此次爲析木之津也不  
言析水而言析木者此次自南而盡北故依此次而名  
析木也郭云箕龍尾斗南斗天漢之津梁以四方皆有  
七宿各成一形東方成龍形西方成虎形皆南首而北  
尾南方成鳥形北方成龜形皆西首而東尾箕在蒼龍  
之末故云龍尾斗至南方即見故云南斗昭八年左傳  
曰今在析木之津國語曰日在析木之津者是也案經  
典但有析木之津無析木謂之津今定本有謂字因注  
云即漢津也誤矣云星紀斗牽牛也者星紀斗牛之次  
也郭云牽牛斗者日月五星之所終始故謂之星紀左

傳曰歲在星紀是也云玄枵虛也者玄枵虛之次名也郭云虛在正北北方黑色枵之言耗耗亦虛意然則以其色黑而虛耗故名其次曰玄枵案襄二十八年左傳云春無冰梓慎曰今茲宋鄭其饑乎歲在星紀而淫於玄枵以有時蓄陰不堪陽蛇乘龍龍宋鄭之星也宋鄭必饑玄枵虛中也枵耗名也土虛而民耗不飢何爲云顓頊之虛虛也郭云顓頊水德位在北方然則以北方三次以玄枵爲中玄枵次有三宿又虛在其中以水位在北顓頊居之故謂玄枵虛星爲顓頊之虛也昭十年左傳云鄭裨竈言於子產曰今茲歲在顓頊之虛是也云北陸虛也者虛星又謂之北陸也孫炎曰陸中也北方之宿虛爲中也昭四年左傳云古者日在北陸而藏冰杜注云陸道也陸之爲中爲道皆無正訓各以意耳要以虛爲北方中星宿是日行之道故謂之北陸郭云虛星之名凡四者玄枵也虛也顓頊之虛也北陸也云營室謂之定者營室一名定郭云定正也作宮室皆以

營室中爲正詩鄘風云定之方中作于楚宮鄭箋云定星昏中而正於是可以營制宮室故謂之營室云姬訾之口營室東壁也者姬訾室壁之次也壁居南則在室東孫炎曰姬訾之次則口開方營室東壁四方似口故因名也郭云營室東壁星四方似口因名云由其營室與東壁相成故得正四方襄三十年左傳云歲在姬訾之口是也云降婁奎婁也者降婁奎婁之次名也孫炎曰降下也奎爲溝瀆故稱降也郭云奎爲溝瀆故名降者漢書天文志云奎曰封豨爲溝瀆是也案襄三十年左傳云鄭公孫揮與裨竈晨過伯有氏其門上生莠子羽曰其莠猶在乎於是歲在降婁降婁中而旦裨竈指之曰猶可以終歲歲不及此次也已及其亡也歲在姬訾之口其明年乃及降婁是也云大梁昴也西陸昴也者大梁昴之次名也昴西方之宿名也昴又謂之西陸昭四年左傳云古者日在北陸而藏冰西陸朝覲而出之又十一年傳云歲及大梁蔡復楚凶昴星之召凡



三郭云昴西方之宿別名旄頭者天文志云昴曰旄頭胡星也是矣云濁謂之畢者畢西方之宿名一名濁郭云掩兔之畢或呼爲濁因星形以名詩小雅云有捄天畢毛傳云捄畢貌畢所以掩兔特牲饋食禮曰宗人執畢鄭注云畢狀如义蓋爲其似畢星取名焉然則掩兔祭器之畢俱象畢星爲之但掩兔之畢施網爲異爾云味謂之柳柳鶉火也者柳南方之宿名南方七宿共爲朱鳥之形柳爲朱鳥之口故名味味即朱鳥之口也鶉爲鶉火裏九年左傳曰晉侯問於士弱曰吾聞之宋災於是乎知有天道何故對曰古之火正或食於心或食於味以出內火是故味爲鶉火心爲大火是也云北極謂之北辰者極中也辰時也居天之中人望之在北因名北極斗杓所建以正四時故云北辰論語云爲政以德譬如北辰是也云何鼓謂之牽牛者李巡云何鼓牽牛皆二十八宿名也孫炎曰何鼓之旗十二星在牽牛

北也或名爲何鼓亦名牽牛如此文則牽牛何鼓一星也如李巡孫炎之意則二星今不知其同異也案漢書天文志牽牛爲犧牲其北河鼓河鼓大星上將左將右右將亦以牽牛河鼓爲二星郭云今楚荆人呼牽牛星爲檐鼓檐者荷也順經爲說以時驗而言也云明星謂之启明者孫炎曰明星太白也出東方高三舍今曰明星昏出西方高三舍今曰太白郭云太白星也晨見東方爲启明昏見西方爲太白然則启明是太白矣詩小雅云東有启明西有長庚不知是何星也或以東西而異名或二者別星未能審也云彗星爲欃槍者彗星一名欃槍漢書天文志云歲星羸而東南石氏見彗星甘氏不出三月迺生彗本類星末類彗長二丈羸東北石氏見覺星甘氏不出三月乃生天棓本類星末銳長四尺縮西南石氏見欃雲如牛甘氏不出三月迺生天槍左右銳長數丈縮西北石氏見槍雲如馬甘氏不出三月迺生天欃本類星末銳長數丈石氏欃槍棓彗

異狀其殃一也郭云亦謂之字言其形字字似掃彗春  
秋左氏傳昭十七年冬有星孛于大辰西及漢申頌曰  
彗所以除舊布新也公羊傳字者何彗星也彗謂帚也  
言其狀似掃帚光芒字字然妖變之星非常所有故言  
字又言彗也云奔星爲約約  
者奔星即流星也一名約約

星名疏

星名題  
上事也

春祭曰祠注祠之言食夏祭曰禘注新菜可禘秋祭曰  
嘗注嘗新穀冬祭曰烝注進品物也祭天曰燔柴注既  
祭積薪燒之祭地曰瘞葬注既祭埋藏之祭山曰廋縣  
注或廋或縣置之於山山海經曰縣以吉玉是也祭川

曰浮沉注投祭水中或浮或沉祭星曰布注布散祭於

地祭風曰磔注今俗當大道中磔狗云以止風此其象

是禩是禡師祭也注師出征伐類于上帝禡於所征之

地既伯既禱馬祭也注伯祭馬祖也將用馬力必先祭

其先禘大祭也注五年一大祭繹又祭也注祭之明日

尋繹復祭周曰繹注春秋經曰壬午猶繹商曰彤注書

曰高宗彤日夏曰復昨注未見義所出音義

祠如字或音祀食音

嗣初本或作禴字同餘弱反灼余弱反燂菜也蒸之升反燂音煩猶焚也柴仕皆反說文作柴云燒柴燎祭天

也瘞於例於計二反瘞音埋廩本或作庾又作竝同居  
委居僞二反縣音立注同沈直今反布李曰祭星者以  
祭布露地故曰布孫曰既祭布散於地似星布列也郭  
云布散祭於地也指謂數列羅布也磔張格反徇音苟  
禰音類經典作類禡亡駕反禱丁老反說文亦作禡同  
禡大計反繹以石反五經及爾雅皆作此字本或作釋  
字書爲繹繹二字下同復扶又反夏戶雅反彤余終  
反復音服胙本或作祚才故反祚福也胙祭肉也於義  
並疏此別四時及三代諸祭名也春祭曰祠夏祭曰禘  
同秋祭曰嘗冬祭曰蒸者此四時之祭名也郭云祠  
之言食禘新菜可灼嘗嘗新穀蒸進品物也此皆周禮  
也殷以上則禘禘蒸嘗王制文是也至周公則去夏禘  
之名以春禴當之更名春曰祠故禘禴志云王制記先  
王之法度宗廟之祭春曰禴夏曰禘秋曰嘗冬曰蒸禴  
爲大祭於夏於秋於冬周公制禮乃改夏爲禴禘又爲  
大祭祭義注云周以禘爲殷祭更名春曰祠是祠禴嘗

蒸之名周公制禮之所改也若然詩小雅云禴祠蒸嘗  
于公先王此文王之詩所以已得有制禮所改之名者  
王者因革與世而遷事雖制禮大定要亦所改有漸易  
曰不如西鄰之禴祭鄭注爲夏祭之名則文王時已改  
言周公者據制禮大定言之耳祭天曰燔柴者祭天名  
燔柴祭法云燔柴於泰壇祭天也郭云既祭積薪燒之  
大宗伯云以禋祀昊天上帝以實柴祀日月星辰以  
禋燎祀司中司命飢師雨師鄭云禋之言禋周人尚臭  
煙氣之臭聞者禋積也詩曰芄芃棫樸薪之禋之三祀  
皆積柴實牲體焉或有玉帛燔燎而升煙所以報陽也  
然則祭天之禮積柴以實牲體玉帛而燔之使煙氣之  
臭上達於天因名祭天曰燔柴也云祭地曰瘞瘞者祭  
地名瘞瘞祭法云瘞埋於泰圻祭地也然則祭神州地  
祗於北郊瘞繒埋牲因名祭地曰瘞埋李巡曰祭地以  
玉埋地中曰瘞埋孫炎曰瘞者翳也既祭翳藏地中云  
祭山曰廋縣者廋縣祭山之名也廋謂埋藏之大宗伯

云以薶沉祭山林川澤鄭注云祭山林曰埋是也縣謂縣其牲幣於山林中因名祭山曰廐縣郭云或廐或縣置之於山是也又云山海經曰縣以吉玉是也者案中經云歷兒冢也其祠禮毛太牢之具縣以吉玉彼注云縣祭山之名是也云祭川曰浮沉者浮沉祭川之名也郭云投祭水中或浮或沉大宗伯云以薶沉祭山林川澤鄭注云祭川澤曰沉順其性之含藏是也云祭星曰布者李巡曰祭星者以祭布露地故曰布孫炎曰既祭布散於地似星布列也郭云布散於地云祭風曰磔者磔謂披磔牲體象風之散物因名云郭云今俗當大道中磔狗云以止風此其象云是類是禱師祭也者是類是禱詩大雅皇矣篇文也師祭也作者所以解詩也言用師出征之祭名也郭云師出征伐類于上帝禱於所征之地者王制云天子將出征類乎上帝禱於所征之地是也言類乎上帝則類祭祭天也祭天而謂之類者尚書夏侯歐陽說以事類祭之在南方就南郊祭之

春官肆師注云類禮依郊祀而爲之是用尚書說爲義也。禡之所祭其神不明。肆師云凡四時之田獵祭表貉則爲位。注云貉師祭也。於立表處爲師祭。祭造軍法者禱氣勢之增培也。其神蓋蚩尤或曰黃帝又曰祝掌四時之田表貉之祝號杜子春云貉兵祭也。田以講武治兵故有兵祭。習兵之禮故貉祭禱氣勢之十百而多獲。由此二注言之則禡祭造兵爲軍法者爲表以祭之禡。周禮作貉貉又或爲貉字古今之異也。貉之言百祭祀此神求獲百倍云。既伯既禱馬祭也者。既伯既禱詩小雅吉日篇文也。馬祭也作者所以釋詩也。毛傳云伯馬祖也。重物慎微將用馬力必先爲之禱。其祖禱禱獲也。郭云伯祭馬祖也將用馬力必先祭其先知伯是祭馬祖者爲馬而祭。故知馬祖謂之伯者伯長也。馬祖始是長也。鄭注周禮云馬祖天駟房也。彼注云龍爲天馬故房四星謂之天駟馬國之大用王者重之故夏官校人春祭馬祖夏祭先牧秋祭馬社冬祭馬步注云馬祖天



欽定四庫全書

卷五

駟先牧始養馬者馬社始乘馬者馬步神爲災害馬者  
既四時各有所爲祭之馬祖祭之在春其常也而將用  
馬力則又用彼禮以禱之云禘大祭也者經傳之文稱  
禘非一其義各殊論語云禘自既灌及春秋禘于太廟  
謂太廟之祭也喪服小記云王者禘其所自出也及大  
傳云禮不王不禘謂祭感生之帝於南郊也祭法云周  
人禘嘗而郊稷謂祭昊天於圜丘也以此比餘處爲大  
祭總得謂禘宗廟謂之禘者禘諦也言使昭穆之次審  
諦而不亂也祭天謂之禘者亦言使典禮諦也郭云五  
年一大祭者出禮記文知非祭天之禘者以此文下云  
繹又祭也爲宗廟之祭知此亦宗廟之祭者云繹又祭  
也者又復也繹復祭之名也郭云祭之明日尋繹復祭  
公羊傳云繹者何祭之明日也穀梁傳云繹者祭之旦  
日之享賓也天子諸侯謂之爲繹少牢饋食大夫之禮  
也謂之賓尸與祭同日若然是亦與賓尸事不同矣而  
詩頌絲衣序云繹賓尸者繹祭之禮主爲賓事此尸但

天子諸侯禮大異日爲之別爲立名謂之爲繹言其尋繹昨日卿大夫禮小同日爲之不別立名直指其事謂之賓尸耳此序言繹者是此祭之名賓尸是此祭之事故特詳其文也然又祭之名三代各異周名繹商名彤夏名復胙郭云春秋經曰壬午猶繹者宣八年經文也又云書曰高宗彤日商書篇也孫炎云彤者相尋不絕之意夏曰復胙者郭云未見義所出以夏之典訓無言復胙名者是未見義所出也詩傳及詩箋亦無此一句說者云胙是祭肉也以祭之旦日復陳其祭肉以賓尸也未知然否

## 祭名

春獵爲蒐注搜索取不任者夏獵爲苗注爲苗稼除害秋獵爲獮注順殺氣也冬獵爲狩注得獸取之無所擇

宵田爲獠注管子曰獠獵畢弋今江東亦呼獵爲獠或  
曰即今夜獵載鑪照也火田爲狩注放火燒草獵亦爲  
狩乃立冢土戎醜攸行注冢土大社戎醜大衆起大事  
動大衆必先有事乎社而後出謂之宜注有事祭也周  
官所謂宜乎社振旅闐闐注振旅整衆闐闐羣行聲出  
爲治兵尚威武也注幼賤在前貴勇力入爲振旅反尊  
卑也注尊老在前復常儀也音義獵力涉反蒐色留反  
搜音同上索色白反  
任而鵠反爲于僞反獮息淺反說文從繭或作禰從示  
狩手又反宵音消夜也字從宀若雲霄之字即從雨獠

郭音遼夜獵也又力召力弔二反或作燎宵田也畢本又作畢鑪力吳反字或作鑪豕竹勇反攸音由大音泰

下大常同闌徒天反整之領反治音持

**疏**

此說田獵習武之事也云春獵爲蒐夏獵爲苗秋獵爲獮冬獵

爲狩者此四時田獵之名也郭云蒐搜索取不任者苗爲苗稼除害獮順殺氣也狩得獸取之無所擇隱五年

左傳文蒐苗獮狩注云蒐索擇取不任者苗爲苗除害也獮殺也以殺爲名順秋氣也狩圍守也冬物畢成獲

則取之無所擇也周禮大司馬職中春教振旅遂以蒐田中夏教芟舍遂以苗田中秋教治兵遂以獮田中冬

教大閱遂以狩田其名亦與此同鄭玄解苗田與此小異言擇取不任者若治苗去不秀實者孫炎亦然桓

四年公羊傳曰春曰苗秋曰蒐冬曰狩三名既與禮異又復夏時不田穀梁傳曰四時之田皆爲宗廟之事也

春曰田夏曰苗秋曰蒐冬曰狩皆與禮異者良由微言既絕曲辯妄生左丘明親受聖師爾雅者或云子夏所

作故二者與禮合漢代古學不行明帝集諸學士作白  
虎通義因穀梁之文爲之其說曰王者諸侯所以田獵  
何爲苗除害上以共宗廟下以簡集士衆也春謂之田  
何春歲之本舉本名而言之也夏謂之苗何擇去懷任  
者也秋謂之蒐何蒐索肥者也冬謂之狩何守地而取  
之也四時之田總名爲田何爲田除害也案苗非懷任  
之名何云擇去懷任秋獸盡皆不瘦何云蒐索取肥雖  
名通義不通也故先儒皆依周禮左傳爾雅之文而爲  
之說其名亦有意焉雖復春獵獲則取之不能擇取不  
孕夏獵所取無多不能爲苗除害爲因時異而變文耳  
謂之獵者蔡邕月令章句云獵者撝取之名也云宵田  
爲獠者宵夜也夜獵名獠郭云管子曰獠獵畢弋者案  
管子四稱篇管仲對桓公曰昔者無道之君誅其良臣  
淫其婦女獠獵畢弋暴遇諸父者是也又云今江東亦  
呼獵爲獠者以時驗而言也或曰即今夜獵載鑪照也  
者亦得爲一義故復引之云火田爲狩者郭云放火燒

草獵亦爲狩言與冬獵同名故云亦也李巡孫炎皆云  
放火燒草守其下風周禮羅氏蜡則作羅襦鄭云襦細  
密之羅此時蟄者畢矣可以羅網圍取禽也今俗放火  
張羅其遺教禮記王制云昆蟲未蟄不以火田則是已  
蟄得火田也云乃立冢土戎醜攸行者此詩大雅絲篇  
文也郭云冢土大社戎醜大衆郊特牲云社所以神地  
之道也禮運云命降於社之謂殽地是社爲土之神也  
冢話爲大土爲社主故知冢土大社也釋話云戎大也  
醜衆也故云戎醜大衆也云起大事動大衆必先有事  
乎社而後出謂之宜者此作者既引詩文於上然後爲  
此辭以釋之也孫炎曰大事兵也有事祭也宜求見使  
祐也此文本解戎醜攸行之意言國家起發軍旅之大  
事以興動其大衆必先有祭祀於此社而出行其祭之  
名謂之爲宜以師行必須宜祭以告社故言戎醜攸行  
也成十三年左傳曰國之大事在祀與戎故兵爲大事  
也春秋昭十五年有事於武宮雜記云有事於上帝皆

是祭事故謂祭爲有事以兵凶戰危慮有負敗祭之以求其福宜故謂之宜王制云天子將出宜乎社是也郭云周官所謂宜乎社者春官大祝職云出師宜于社造于祖是也云振旅闐闐者此詩小雅采芑篇文也鄭箋云至戰止將歸又振旅伐鼓闐闐然振猶止也旅衆也郭云振旅整衆闐闐羣行聲云出爲治兵尚威武也入爲振旅反尊卑也者此亦作者釋上詩文也古者春教振旅秋教治兵以戎是大事又三年一教隱五年左傳曰三年而治兵入而振旅是也征伐之時出軍至對陳用治兵禮戰止至還歸用振旅法名異而禮同也以此出當用之故以修治兵事爲名入則休息故以整衆爲名其治兵振旅之名周禮左傳穀梁與此皆同惟公羊以治兵爲祠兵其禮治兵則幼賤在前振旅則尊老在前郭云幼賤在前貴勇力也尊老在前復常儀也

# 講武疏

講武者題上事也言皆所以講習武事也

素錦綢杠注以白地錦韜旗之竿纁帛繆注纁帛絳也  
繆衆旒所著素陞龍于繆注畫白龍於繆令上向練旒  
九注練絳練也飾以組注用綦組飾旒之邊維以縷注  
用朱縷維連持之不欲令曳地周禮曰六人維王之太  
常是也緇廣充幅長尋曰旒注帛全幅長八尺繼旒曰  
旒注帛續旒末爲燕尾者義見詩注旒首曰旌注載旒  
於竿頭如今之幢亦有旒有鈴曰旌注縣鈴於竿頭畫  
蛟龍於旒錯革鳥曰旗注此謂合剝鳥皮毛置之竿頭



即禮記云載鴻及鳴鳶因章曰旃注以帛練爲旒因其

文章不復畫之周禮云通帛爲旃音義

綱他刁反杠音江廣雅云天子

之杠高九仞諸侯七仞卿大夫五仞士三仞韜他刁反纁許云反纁本或作職又作穆緘衫字同所銜反下同旒力周反經典亦作流廣雅云天子十二旒至地諸侯九旒至軫卿大夫七旒至轂士三旒至肩著直畧反陞音升令力呈反綦音其本亦作纂組管反飾音式緇側基反廣古曠反充方言云幅廣曰充幅音福長直亮反注同旒持小反旒蒲蓋反注之樹反旒云褻反旌音精本又作旂幢直江反竿音干鈴郎丁反旂音祈縣音立錯七各反又七故反旗羊諸反剝北角反鳶疏此別旌以專反鵠也旃之然反世本云黃帝作旃旗之異名也素錦綢杠者自此至維以縷說旂之制也綢韜也杠竿也先以白地錦韜旂之竿禮記所謂綢練設旒是

也則以纁帛著於素錦名緣繆繆即衆旒所著者陞上也  
又畫白龍於繆令上向又練絳帛爲旒九以著於緣飾  
旒之邊用綦組以朱纁維持其旒使不曳地詩鄘風云  
素絲組之鄭箋云素絲者以爲纁以縫紕旒旂之旒繆  
或以維持之是也郭云周禮曰六人維王之太常者夏  
官節服氏職文後鄭注云維之以纁王旒十二旒兩兩  
以纁綴連旁三人持之禮天子旒曳地鄭司農云維持  
之是也廣雅云天子杠高九仞諸侯七仞大夫五仞天  
子十二旒至地諸侯五旒至軫卿大夫七旒至軹士三  
旒至肩云緇廣充幅長尋曰旒者緇黑色也以黑色之  
帛廣全幅長八尺屬於杠名旒又以帛繼續旒末爲燕  
尾者名旒郭云義見詩者小雅六月云白旒央央是也  
云注旒首曰旒者李巡曰旒牛尾著竿首孫炎曰析五  
采羽注旒上也其下亦有旒繆郭云載旒於竿頭如今  
之幢亦有旒如是則竿之首有旒有羽也故周禮序官  
夏采注云夏采夏翟羽名禹貢徐州貢夏翟之羽有虞

氏以爲綬後世或無故染鳥羽象而用之謂之夏采其職注云綬以旄牛尾爲之綴於幢上所謂注旄於竿首者也云有鈴曰旂者郭云縣鈴於竿頭畫蛟龍於旄司常云交龍爲旂又曰諸侯建旂然則旂者畫二龍於上一升一降相交又縣鈴於竿是諸侯之所建也詩小雅云旂旐央央是也云錯革爲曰旗者孫炎曰錯置也革急也畫急疾之鳥於繆也鄭志答張逸亦云畫急疾之鳥隼以司常云鳥隼爲旗詩小雅云織文鳥章也郭云此謂合剥鳥皮毛置之竿頭者意與孫鄭少異云即禮記云載鴻及鳴鳶者案曲禮云前有水則載青旌前有塵埃則載鳴鳶前有車騎則載飛鴻前有士師則載虎皮前有摯獸則載貔貅鄭注云載謂舉於旌首以警衆也禮君行師從卿行旅從前驅舉此則士衆知所有所舉各以其類象青青雀水鳥鳶鳴則將風鴻取飛有行列也士師謂兵衆虎取其有威勇也貔貅亦摯獸也云因章曰旂者孫炎曰因其繪色以爲旗章不畫之是也

司常云通帛爲旃鄭注云通帛謂大赤從周正色而飾郭云以帛練爲旃因其文章不復畫之周禮云通帛爲旃者以因其文章與周禮通用絳帛隨義立名其實一也故引爲證

### 旌旂音義

旌本又作旗凡旌旗之字皆從於音偃說文云旌旗得風靡也或示旁

手旁者

### 疏

旌旂者凡旗之名雖異旌旂爲之總稱故以此題之案祭名講武旌旂俱

非也

非天類而亦在此者以皆王者大事又祭名則天曰燭柴講武則類於上帝旌旂則日月爲常

他篇不可攝故

繫之釋天也

爾雅注疏卷五

爾雅注疏卷五考證

釋樂第七

小者謂之應注詩曰應輦縣鼓○陸本輦作輦今詩本作應田懸鼓

大籥謂之產注籥如笛三孔而短小廣雅云七孔○鄭樵曰籥毛氏詩傳云六孔是則其制有不同者耳

大鼗謂之麻小者謂之料注麻者音概而長也○陸本概作概

釋天第八

謂之景風甘雨時降萬物以嘉謂之醴泉○鄭樵曰據下文敵體則此上容有二句亡焉

在戊曰著雍○陸本雍作龐

唐虞曰載○蔡邕獨斷曰載歲也言一歲之中莫不覆載也

焚輪謂之頽○陸本焚作焚

蜺爲挈貳○陸本蜺作霓鄭樵曰虹蜺朝見西暮見東

日中則見天中故暈氣弇日

疾雷爲庭霓注雷之急擊者○陸本庭作霆急作激  
淫謂之霖注雨自三日已上爲霖○陸本已作以

天駟房也○鄭樵曰房爲天馬主車駕故亦爲天駟

玄枵虛也○鄭樵曰虛星在辰爲玄枵居躔度爲北陸  
在地爲顓頊之虛

營室謂之定○陸本定作顓鄭樵曰室星昏正見南方  
則興土功營宮室之時故曰營室



姬背之口營室東壁也○陸本壁作辟

濁謂之畢○鄭樵曰畢星一名濁實沉所次故有沉濁之名焉


彗星爲欃槍注亦謂之孛○陸本彗作孛鄭樵曰孛乃妖變之星也此篇大概釋十二辰所次據壽星大辰析木星紀立枵姬訾降婁大梁實沉鶉首鶉火鶉尾此當備載不應遺却實沉鶉首鶉尾恐是簡編之失夏曰復昨○陸本昨作昨

宵田爲獠注管子曰獠獵畢弋○陸本畢作畢

振旅闐闐○鄭樵曰闐闐鼓聲

維以縷○鄭樵曰此上並一旗之制也

爾雅注疏卷五考證



覆校官編修臣查瑩

校對官檢討臣龔大萬

謄錄監生臣左德麟